

甬

命

縣

志

樂

甯安縣志

輿地

山岡

新化鄒代鈞氏論關東三省山脈以黑龍江流域諸山系出北幹蓋由外蒙邊外之杭愛肯特等高峯迤邐東來連接大興安嶺直迄黑龍江口外之庫頁島而結束若奉吉兩省中山脈則遠宗秦岱自山東之登州半島逾海而成遼東半島餘脈更蜿蜒而東而北起頂爲長白山由是蟠鬱於松花圖們鴨綠諸江之瀕者則皆長白之支脈乃屬中幹云云此說蓋并不發自鄒氏清聖祖諭旨卽有長白與泰山同脈之言嘗觀甯安縣境羣山南連延吉以達和龍安圖等縣其間氣脈綿延灼然可辨謂是長白支脈決無疑義再徵前說則當列於中國三大幹之中幹又甚明矣茲援禹貢導水必先導山之義首述山岡次及河流

舊屬甯古塔城山岡

見省志

大王山城東五里高二里周二里上有古城南向一門東西北三面俱陡不可上

按原文城東五里周五里之說核與後列新查調距離周廣之數不符故並錄以存其舊

穆克阿哩哈山穆克水也城東南五百里又稍東有穆克圖哩山

錫木納山城東南五百四十五里

二龍山城南四十里

平頂山城南七十里周五里

長山城南一百里周三十餘里

希扎山城南四百四十五里

杏花山城西南八十里

鄂摩和昂阿山城西南一百里

布拉山城西南一百十里在鏡泊之北高五里周一百里

呼克圖峯城西南一百六十七里

紅山城西四十里

龍頭山城西北六十里高十餘丈在舊城之東

塔達山城西北三百里

小白山城西北四百里

興額哩溫車和恩山城北二十里高七丈上有關帝廟瑚爾哈河經山前西流歸三姓江口

老黑山城北三十里高三里周二十餘里山形平坦其東北凸出五里許瑚爾哈河經山前東流與海蘭河會

舊卡倫山城北六十里高數十丈上有野花池山形如鳳有翼察哈爾

蒙古語察罕白色也峯

城北八十里高三里周三十里博羅哈達城東北十五里高六丈形如涼帽

呼勒山城東北三百里瑚爾哈河之南高六里周三十里

瑪爾瑚哩嶺甯塔古界距吉林城東六百一十里西南有和歡山吉林峯甯古塔

界距吉林城東六百四十里

特林

搖混也

嶺甯古塔界距吉林城東七百三十里

尙吉顏

煙氣也

峯甯古塔界距吉林城東七百四十里

珊延畢爾罕

畢爾罕淺水細流也

窩集甯古塔城東五十里

花蘭窩集甯古塔城東五十五里

呼錫哈哩窩集甯古塔城東南七十里

尼葉赫窩集甯古塔城東南九十里

特林窩集甯古塔城東南一百二十里

穆稜窩集甯古塔城東南二百里穆楞河綏芬河發源於此

呼蘭窩集甯古塔城東南六百里

瑪展

亦作密古長披箭也

窩集甯古塔城東南六百六十里又一在城西北

尼滿

山羊也

窩集甯古塔城東南一千六百里

佛楞窩集甯古塔城南八十七里

索爾和綽窩集甯古塔城南一百里

瑪爾瑚哩窩集甯古塔城南一百五十里噶哈哩河發源於此

瑪展窩集甯古塔城西北一百二十里密占河發源於此密占瑪展聲轉字通非

兩地也

海蘭榆樹也窩集甯古塔城西北二百里西接畢爾罕窩集與瑪展窩集相連且數

百里

畢爾罕窩集甯古塔城西北二百二十里西接塞齊窩集和倫窩集

札穆圖蒙古語有路也窩集甯古塔城東北一百二十里

舍赫托林也窩集甯古塔城東北一百三十里

富達密蒙古語嘔吐也窩集甯古塔城東北一百三十里

薩爾布開展也窩集甯古塔城東北一百六十里

舒蘭果汁也窩集甯古塔城東北二百九十里

阿木蘭前後之也窩集甯古塔城東北三百二十里阿木蘭河發源於此

安巴畢喇畢拉河也窩集甯古塔城東北三百八十里安巴河發源於此

阿勒哈窩集甯古塔城東北六百三十餘里

巴蘭窩集甯古塔城東北六百五十里在混同江之北相近有巴蘭屯

屯窩集甯古塔城東北八百餘里在混同江北

溫登窩集甯古塔城東北一千一百里在混同江北

都爾聲音衆多也窩集甯古塔城東北一千二百里

喀穆尼窩集甯古塔城東北一千四百五十里在黑龍江東

畢歡窩集甯古塔城東北一千七百餘里

和羅谷也窩集甯古塔城東北一千七百餘里

庫喚窩集甯古塔城東北一千八百餘里在哈穆尼窩集之中

明噶哩窩集甯古塔城東北一千八百五十七里

莊譚窩集甯古塔城東北二千二百五十九里

庫勒克窩集甯古塔城東北二千二百六十里

按省志所載舊屬塔城山岡及窩集今大半已屬甯安縣境之外嗣并搜入者俾與新調查前後合參以明當日幅員之遼廓今日疆域之變遷在講地志者似不可不知是沿革也

今屬甯安縣山岡

新調查

東大碓子 縣城正東八里高二里長五里係大王山來脈山產粗磨石因山名

失於典雅今更名爲青龍山并於是山之巔立有高碑以誌山名於不沒也

碑記
列後

附更名青龍山碑記

癸亥孟夏奉 令周巡全境視民疾苦偕行者有警察所長陳君鳳笙科長單

君友軒路經是山觀其勢若龍蟠蒼蔚奇瑋牡丹江依山麓而東北奔流如良

虹貫繞勒馬登臨全城在目大有俯視羣倫之概實爲城東一鎮山也因命名爲青龍取生發飛騰之意并爲之銘曰

山色蒼蒼蜿蜒錦長鐘靈毓秀永發其祥人才蔚起桑梓增光

中華民國十三年 月 穀旦 署理甯安縣知事王世選敬題

碑陰

勒馬臨江第一峯

大王山 縣城正東十二里高二里長七里係老爺嶺來脈并與大磗子山連脈山無大樹木頂上有唐代古城一座城內有井二深十數丈無水

老爺嶺 縣城正東九十里高十里至一里不等南與老松嶺北與穆稜北龍爪溝相接延長數百里係天然一大森林卽古之窩集也

老松嶺 縣城正南一百八十里高十里五里不等長數百里係額穆西老爺嶺來脈山產多枝柴山頂有關帝廟建築宏敞

大王山 縣城西南四十里高一里半長二十里係西老黑山來脈山無物產山頂有大廟一座

紅石礮子 縣城西南四十五里高二里長五十里係大王山來脈山無物產

四方山 一名平頂山 縣城西南六十五里高三里至五里不等長七十里係老松嶺來

脈山無物產山頂有娘娘廟一座

老黑山 縣城西一百七十里高七里至一里長二百餘里係張廣才嶺來脈山

渣枝柴

大盤嶺 縣城西北十二里高四里長四十里係西太平山來脈山無物產山頂有小廟二座

西團山子 縣城正西五十里高一里許長三十里係老黑山來脈山無物產

歡喜嶺 縣城正西十五里高一里許長四十里係大盤嶺來脈山無物產

旗杆頂子 縣城正西一百八十里高三里至七八里不等長百里係張廣才嶺

來脈山有森林

老黑山 縣城正西二十五里又曰三十五里高三里長二十里係大盤嶺來脈
山頂有石洞一水泡一

窟窿山 縣城正北一百五十里高三里五里十里不等長三百里係大礮子山
來脈山有森林

大礮子山 縣城正北二百里高二里至五里不等長八十里係西老爺嶺來脈
山有森林

和恩山 縣城東北二十里高一里長七里係帽兒山來脈

帽兒山 縣城東北十八里高一里至二里長三十里係東老爺嶺來脈山無物
產

舊卡倫山 縣城正北六十里高一里長五里係大礮子山來脈山產白石

新卡倫山 縣城東北八十里高一里長七十里係北鍋盔山來脈山無物產中

有古墓一座

黃瓜嶺

縣城東北一百三十里高七里長八十里係東老爺嶺來脈山有森林

大青貝山

縣城東北九十里高三里長三十里係卡倫山分脈山無物產

王寶脖子山

縣城正北二十里高不及一里長十里係老黑山來脈山無物產

山前有小廟一座

鐵嶺河山

縣城東北八十里高二里長三十里係四道嶺來脈近東省鐵路車

站

四道嶺

縣城東北九十里高一里長四十里係黃瓜嶺來脈山無物產中有村

屯一處

大嶺

縣城北四十里高二里長二十里係大盤嶺來脈山產碾磨石有石工廠

一所

榔頭山

縣城正東十五里高二里長三十里係老爺嶺來脈山產碾磨石

三道嶺 縣城正西一百四十里高五里長三十里係老白山來脉山無物產

按距城東十八里有勃里哈答新合里溫（鼠形也）胡什哈（渡口也）三名雖別同爲一山又紀略有云東望有山陽哈答又西門外三里許有雞林哈答吳漢槎有詠雞嶺詩當指此也

附吳漢槎雞嶺崖與定之別詩

不盡平蕪色蒼茫到海瀕煙生漁舍晚花發戰場春亂後輕僑客兵餘重故人
那堪離索恨回手見行塵

按調查山崗名稱與舊本間有未合良以名稱隨時代變更滿漢讀音又有異同然以方向高度及道里推測自能得之新地圖經繪者實地勘測似較精密可籍以互相攷證

東省疆域廣大山脈延綿環帶奉吉兩省要以長白爲主峯其支脈散布與吉奉兩省者數繁難計茲僅就與今日之甯安并舊日之甯古塔羣山脈絡有關係者

之正脈及兩大支脈略述於後其細脈尤繁非倉卒之間所能勘明者先試言長

白山正脈

長白山滿洲語曰果勒敏珊延阿林果勒敏譯言長也珊延白也阿林山也在吉林省城東南六百餘里

古名不咸山漢曰單單大嶺魏曰蓋馬大山後魏曰太白山又曰徒太山亦曰太

皇山皆一山也其名長白山者則自金始又曰白山山高一萬尺至一萬二千尺

山頂有潭曰圖們泊圖們譯言萬也言萬水之源也山之四周百泉奔注四江之源出焉四江者一水南流一迤西為鴨綠江一

水東流迤東南為圖們江一水西北流折東北為松花江一水東北流為牡丹江江源流經鏡泊湖(又名必爾騰湖)北口即易名為呼爾哈河流至三姓(即依蘭縣)即與松花江會合矣

甯安附近之山南為老松嶺距甯安城南不過一百里即為英額嶺東走之一支也界於海蘭河

圖們江之間為牛心山脈即黑山嶺其幹脈則自英額嶺直走東北為哈爾巴嶺嶺

以北牡丹江之源其南則布爾哈通河之源也哈爾巴嶺迤而東北接於老松嶺

當甯延往來孔道林木陰翳嶺路崎嶇行者苦之此一帶山嶺連亘綿延劃分松

花圖們兩大支流布爾哈通河海蘭河噶呀河皆自嶺南入圖們江而牡丹江自嶺以北會合各小水而入於松花江之源實甯安南部一大分水

嶺也是爲長白山之東北幹此脈由老松嶺一支東走入東海濱爲錫赫特山脈
一支脈北走乃爲以後所述之完達山脈也

一曰完達山支脈 此支脈卽接長白山正脈綿亘於吉省之東南部其方向自

西南而東北走瑚爾哈河與興凱湖之間達於混同烏蘇里兩江之會口其脈暗

接於江省境內之東興安嶺山脈其與長白山正脈銜接處在老松嶺以北一支

綿延北走其西爲呼爾哈河支流之谷其東南則穆稜河入烏蘇里江發源處也當穆稜

河源東清鐵道由此通過焉迤而東北爲察庫蘭嶺橫亘於穆稜河左岸當阿爾

哈山以北橫分諾羅東入烏蘇里江倭肯西北入松花江兩河之源其脈蜿蜒東北走橫亘於諾羅

河左岸松花江右岸之間最東低落於混同烏蘇里會合處是爲完達山脈正幹

其自阿爾哈山以東界於諾羅穆稜兩流域之間者曰那丹哈達拉嶺越穆稜河

雄峙於興凱湖北岸者卽著名之蜂蜜山據日人所著之滿洲地志謂完達山脈

亦與他山脈相似富於森林其北端傾斜之勢甚緩覆以柵樹林南端森林尤多

枕黑龍江之水岸共有二處巉巖危立江流激衝山嶺甚爲險峻云此山脈之東

端黑龍江與
江會合處向爲赫哲部所居其人衣魚皮食鮮魚俗稱魚皮鞣子所謂使犬部者

是也

一曰小白山支脈 此支脈自長白山正脈分支綿亘於松花江與瑚爾哈河之

間其趨向自東南而東北乃吉省中部一大分水嶺也其脈自英額嶺長白山
正脈一支

西走爲你牙變哈達嶺折而北趨重阜修巖連峯接勢亘三百餘里是爲老嶺之

脈其上森林茂密有著名之納穆窩集及色齊窩集老幹百尺枝葉蔽天白晝猶

暗自吉林趨甯安取道於此嶺之東谿流複雜皆牡丹江之源其西流之水則松

花江之支流也拉法河
最大老嶺之脈迤東轉而成一大蟠結凡東南入牡丹江西北

入松花江諸水皆導源於此如入牡丹江
之邵林河等其森林則自色齊窩集以東爲畢爾罕窩

集又東爲海蘭窩集又東接於瑪延窩集與畢展窩集萬木參天排比聯絡綿延

數百里多自古未受斧斤之森林也自老嶺（即張廣才嶺）分支數脈並走徧布

於賓縣五常同賓境內東亘於瑚爾哈河

自甯安以上曰牡丹江以下曰瑚爾哈河

左岸西北達於松花江

西中間橫亘於拉林河與阿什河之間者為一大支阿什河與瑪延河之間者為

一大支其趨勢皆自東南而走西北綿亘二三百里云此一帶之大山脈傾斜之

勢甚緩其峯頂高峻不一皆有美陰之森林覆之其谿谷之間亦多小林茂草北

溯松花江一帶南瀕牡丹江沿岸支脈分布中多肥沃之平原開墾殆遍乃農林

諸業最適宜之地而山多礦產東南一隅金礦尤夥森林之富殆世界所罕有城

莫大之利源也

按唐書契丹兵敗冷陁以自固冷陁即冷山今小白山也

邊務報告小白山在長白山主山東南四十五里實連長白山

為一本幹以其別起一峯故俗呼曰小白山山南為中韓舊界省志小白山南古塔城西北四百里此殆即冷山邊務報告所云者在東南是又一山也

宋之洪皓松漠紀聞云去

甯江州百七十里甯江今吉林烏拉街高士奇扈從日錄云額木赫索羅站東

北二百餘里自必爾罕必喇北望相去約數十里土人呼為白山即冷山云云

柳邊紀略則云余於必兒罕北望相去約數十里積素凝寒高出衆山之上土

人呼爲白山洪皓所居也按必爾罕今爲甯安縣西第二站

首站爲沙蘭站 查甯郡甯安至沙蘭站八十里至

必爾罕重沙蘭一百十里

站旁即必爾罕河是河發源於額穆縣北境山中源流僅二

百餘里東南入鏡泊湖爲牡丹江旁源據此攷證冷山地點當在今之五常縣

東南距今甯安縣邊境似不甚遠枝江曹廷傑筆記亦云冷山在五常甯安交

界地點

洪氏使女真羈留冷山十五年以樺皮習書遠近嚮慕論中原文化輸入邊塞

洪氏可比之韓愈之潮州文翁之巴蜀所著松漠紀聞即洪氏冷山集中一種

也

按此書五音韻考境內光陰所屬縣時可... 左州府北建於松花江

... 與... 之... 間...

... 有... 之... 山...

... 之... 小...

... 之... 乃...

... 之... 乃...

... 之... 乃...

... 之... 乃...

... 之... 乃...

... 之... 乃...

... 之... 乃...

... 之... 乃...

... 之... 乃...

寧安縣志

輿地

河流

舊甯古塔境內河流 經邊境內河流附

塔拉 曠野也 河

阿拉 橫句也 河

托罕 帶飾也 河

大空其穆河

小空其穆河

珠克騰 祭祀也 河

畢爾騰河

札津 長梁也 河

大夾溪河

小夾溪河

松音蒙古語
揀選也河

柳樹河

阿布河適纒
也河

石頭河

畢拉罕淺水
也河

愛呼河以下二水皆入畢拉罕河

額伊呼徑徑不
濟者也河

鄂摩和湖

海眼

三道河

杏花山水

牛樣子山水

二道河

頭道河

沙蘭河

此水入頭道溝河

瑪勒呼哩

寫遼之意 河

楊木台河

大牡丹屯河

哈瑪河

廟兒嶺水

以下二水皆入哈瑪河

梳爾綽河

蝦蟆河

塔克通阿樓房也河

蓮花街河 此水入塔克通阿河

伊蘭岡伊蘭散之三也水

爾音河

呼錫哈哩河

興鎮里溫車痕河

海蘭櫟樹也河

拉哈密河 以下六水皆入海爾河

雞卵石河

瑪展河

爾石河

紅甸子河

石頭河

尼葉黑鴨子也河

特林河

磨刀河 以下水皆入特林河

鐵嶺河

齊克騰天于之干也河

烏赫林總兵也河

阿濟格蘇和辰蘇和辰斧子也河 此水入烏赫林河

富達密河

樺樹林河

江密峯河

薩林河

頭道河

哈圖

橫河也

飛來河

甯羅河

錫林河

阿穆蘭河

以上六十二水皆於甯古塔境匯入牡丹江以達混同江

穆稜河

柳芽河

三音畢拉罕

長嶺子河

廟兒嶺河

亮子河

二道老爺嶺河

哈達河

黃泥河

下亮子河

邦奎河

水曲柳河

和圖河

拉字界口河

太平碓子河

斐底河

石頭河

卷一
五十七

五十七

巴蘭窩集河

以上十七水皆於甯古塔境散入大穆稜河以達烏蘇哩江

烏蘇里江

法納圖河

福金河

能圖河

努哈密河

瑚葉

射貂之
窩也河

瑚爾穆河

伊魯河

喝爾瑪河

松阿察益纓也河

興凱湖

達巴庫 達巴越邊也庫下也 河

牛泡子河

雷風河

橫道河

毛爾畢拉

南岔河

北岔河

網房子河

夕陽河

烏札庫河

白梭河

金銀泡

小穆稜河

庫爾布新河

尼滿山羊也河

以上二十五水皆於琿春東境甯古塔境散入烏蘇里江

按以上共一百零四水均見省志其中多與今甯安縣境相距甚遠者茲并搜

入俾撫今可以追昔講甯安掌故似不可少也

按牡丹江因發源於牡丹嶺而得名滿語嶺名穆丹哈達故水亦名穆丹烏拉

初僅稱上流也上流原名勒富善河至鏡泊湖以下則曰瑚爾哈河見省志亦曰虎爾哈河今則

全河通名爲牡丹江不復知滿音爲穆丹矣

牡丹江自其發源之處言之也至甯古塔以下曰瑚爾哈亦曰虎爾哈卽唐之忽

汗金之呼里改路元之忽爾哈路明一統志所謂胡里改江出建州東南山下東

北匯爲鏡泊者也第明志又別出忽兒海忽汗分一水爲三水則大誤耳其上游

則曰牡丹江水道提綱以爲按出虎水非也安出虎水爲今阿勒楚喀河地望音

譯俱合與瑚爾哈源流迥別豈可混爲一稱哉牡丹江源出敦化縣西南老嶺長

白山北徑三百餘里之幹山也重阜修巖聯峯接勢水出其北東北流經帽兒山

南有四道溝河自西南來入之河出縣西南山又東北經懷德鄉西受黃泥河河出縣西南紅石礮東流六十

餘里入牡丹江又東北經屏風山西西受大石頭河河亦出紅石礮又東北逕滴搭鶯東受小水二

水出屏風山北又東北經劉家屯東西受半截河河出縣西太平山東流過縣南五里許自城東入江又東北過縣東小石頭

河自西來入之河出縣西小青山東流七十里許過縣城北至其市北入牡丹江又東北有葦子溝河自西來入之河出縣東北無名山自北

前南曰後葦子溝折而東曰前葦子溝東入牡丹江折而北有雷風溪河自西南合衆水來入之

雷風溪河源出烏松礮子東北流數十里朝陽河合三水曰宋家店河曰碾手營河曰黃泥河自西來

入之折東流受南來之興隆河河出縣東高松樹嶺又東受南來之橫道河河出縣東朝陽岡東入牡

丹江

牡丹江又北有蝦蟆塘河

江出嶺北牡丹岡

自西來入之珊延穆克河合衆水自東來入之

珊延穆克河金史世紀所謂舍音水完顏部者也源出縣東南廟爾嶺土人呼

爲大石頭河西北流二十里受東南來之頭道河河出縣南雙廟嶺少北有二道河自西

南來入之又北流三道河自西南來入之兩河皆出縣東南高麗帽山又東北而富勒佳哈河合

衆水自東北來會

富勒佳哈河即富爾吉哈河土人呼曰富家亮子自敦化縣東北發源南流數

十里受東北來之兩水在東者曰柳溝河在西者曰黃泥河南流數十里合爲一入富家亮子河折西南流三十里許受北來

之沙河河出縣東北駱駝碾子盧南流西分一支流是爲沙河沿復南流西合一小水入富家亮子河又西南南受板橋河即盤巧河也源出哈爾巴嶺西之朝陽碾子北流三

十里許入富家亮子河又西流南來一小水曰梁水泉子稍西與珊延穆克河珊延穆克河既合富

家亮子河折北流受西南一小水曰小石頭河折北東流受東來一水水出二龍山兩源合爲一西人珊延穆克

河屈北流沙河沿水自東來入水爲沙河分支盧西流經高麗盤道南西南入珊延穆克河又西北馬鹿溝河自東北

合衆水而西來入之馬鹿溝自縣東北山發源西流數十里有頭二三四凡四道溝水自南來入之復西流折而南而西入於珊延穆克河復西流經通溝

嶺而北入於牡丹江其西岸與蝦蟆塘河相直也

牡丹江又北流黑石河自西來又魚河自東來交入之

黑石河源曰灣灣河東流數十里又魚河源曰插尾巴河西流數十里交入牡

丹河水口相直如十字焉又北流折而東大臙鱧河自西來入之

大臙鱧河即大沙河源出敦化縣西南之烏松礮子與雷風溪河僅隔一山自

其處西北流數十里受西南來一水折北流受東南來一水益北流有小臙鱧

河自西合三源來入之折東北流經小臙鱧嶺北受南來一水又東北有臙鱧

河自東來入之合東流數十里與朱魯多觀河鄂穆索河合

朱魯多觀河土人呼曰朱爾多河源出敦化縣西北白石礮山蓋塞齊窩集之

支峰也東南流數十里至朱爾多河渡口有伊奇松河自西來入之

伊奇松河出自塞齊窩集合兩

源西流數十里受北來一水經伊奇松站東入朱魯多觀河合而東經鄂穆赫索羅站南而鄂穆索河自北來會

鄂穆索河有兩源東曰東馬鹿溝西曰西馬鹿溝各西東流數十里合為一曰

鄂穆索河南流數十里逕鄂穆赫索羅站東而南合朱魯多觀河兩河既合稍

南流會西來之大賊虜河合而東受西來之蘇子河河自清山子發源東流數十里入於三河會處又稍東受

北來一水東入牡丹江土人謂之三岔口也通志入朱魯多觀河之水尙有山

壁河安達爾琦部名也河不知於今何屬矣

牡丹江又東有都林谷河自北合數水來入之

都林谷河今呼曰都陵河源出塞齊窩集南流數十里東岸界甯古塔西受佛

多和河今名橫道河出塞齊窩集合兩源東南流數十里入都陵河又南流受西來之當石河當石河合四水流數十里東入都陵河通志有汗察罕河塔濟

哈河曾出塞齊窩集南入牡丹江以地縱測之疑當在此然無可考矣又南經小江歲東入於牡丹江

牡丹江又東北岸界甯古塔有三道登什庫河合爲一自北來注之

又東有頭道登什庫河自北來注之各長數十里又東南岸亦入甯古塔界有塔拉河合

阿拉河自北來注之

塔拉河出畢爾罕窩集分兩源繞塔拉站左右南流合爲一又南受東來之阿

拉河

阿拉河一曰阿蘭土人呼爲阿爾蘭阿蘭阿拉聲音輕重之殊阿蘭阿爾蘭語

言緩急之異耳亦出畢爾罕窩集南流折而西入塔拉河俱南注牡丹江

牡丹江又東有托罕河自南來注之河出城南大山屈東北流大空其穆河自東南來入之

又東北小空其穆河自東南來入之珠克騰河自西北來入之兩空其穆河皆出教化縣界西北入牡丹江小河對

岸即珠克騰河珠克騰河土人呼曰珠克敦源出必爾罕窩集東南入牡丹江處有朱克敦渡口又東北數十里受諸水匯爲巨澤曰必爾騰湖

所謂鏡泊湖也

按鏡泊湖唐入所謂勿汗海也湖在甯安西南一百一十餘里四面羣山崇疊

上流牡丹江水入焉有一崖曰呼克圖峯湖內有道士大孤小孤老鶴諸山惟

大孤山高出水面約七百餘尺聳立湖中道士山爲兩環抱如形相家所謂二

龍戲珠也上有古廟一座名曰三清廟老鶴山孤立湖之南端有無數水鳥時

時棲息其上故名之曰老鶴山山頂積白鳥糞厚約數寸遠眺之幾疑積雪又

有二小山并立似門名之曰真珠門真珠門北石碕子俗名曰城牆碕子上

有古城一座(參看古城調查)南東北三面濱湖并有極陡之懸崖欲登山看城非從西南曲折盤道不能上達誠爲天險此地夏秋間花紅水碧魚躍鳥飛嵐影浮沉霞光掩映似一幅天然圖畫不啻爲世外桃源旅行至此增人無限情趣惜地險間有匪迹不能任便來遊爲之太息也在湖西北有貢魚泡三一曰東大泡南北長十餘里東西寬五里餘一曰達連泡南北長五里餘東西寬一里有半一曰西大泡南北長十里餘東西寬八里餘內產鱒魚極富紅翅紅尾紅鱗厚而且短與他江湖所產不同且異常肥美唐書所稱涓沱湖之鱒即指此也前清時爲入貢之珍品此外有鮎魚鯉魚一曰鮎魚歲子因鮎魚在此歲子內孵化故名之曰鮎魚歲子一曰鯉魚歲子因鯉魚在此歲子內孵化故名之曰鯉魚歲子在南湖頭一帶有大石頭河松意河防身河小夾吉河等水匯入在道士山北有威呼河注入在湖之西端有上遊之小江三水流入名爲大河口湖之下遊在張家梁子東有一大瀑布(俗名弔水樓)爲湖之出口從



冬 日 之 山 景

上海南京路大光明照相馆

鏡泊湖北口大瀑布流入牡丹江之形勢



此以下即爲牡丹江矣

古曰呼爾哈河

此瀑布爲箕形水從箕背傾瀉相傳流高約五丈

餘流深約十八丈餘寬約五丈餘有謂夏季水漲寬幾至十數丈水之流速流

量極大爲數多寡未曾試驗

東京城距瀑布約四十五里之遙相傳秋夏間江流下瀉有時其聲可傳達至東京城內聲至可預知天將雨矣其理由因空氣較易傳達耳

瀑布下八里許牡丹江南岸四季通有大溝一名曰正溝此溝南通於湖爲富

甯公司數年來耗費若多金錢之目的地也前於民國七年時據該公司日本

人窪田滿穗言稱正溝南北長五華里餘南端通湖北端通江測驗湖之水面

較江之水面高五丈二尺餘(華尺)將來將此溝開鑿引湖從此捷徑入江即

利用此水力能設造紙麵粉電燈機器等四個極大公司因此項水力較蒸汽

大數倍約大二分之一碼力此種大水力所用之機器非藉火車不能向此搬運(此爲修

甯安民業路之張本)如果此公司能組織成立誠爲世界第一大工廠爲日

本實業家最注意之地所以近數年來日本對於此地經營不遺餘力始於民

國六年秋擬中日合股在該處組織漁業公司旋又改爲富甯造紙公司當時

經該公司派祖呈崑携帶大宗款項在四季通一帶收買濮永昌有照等田地
房產極多數年來費若干之金錢希圖大舉詎近年因金融停滯未果進行一
似留以有待我國天然水力不自經營良堪浩歎就此瀑布而言之亦天然一
勝蹟也選曾因巡視過此感情頗深故於南崖渤石刻銘以誌鴻泥之迹并更
名爲中國第一瀑布碑記
列後並將上下流攝影於後附以全湖之圖俾足未歷其
境者聊當臥遊云爾鏡泊湖自北湖頭至大河口共計東西長八十里相傳深
二三里不等未實測未敢據以爲確自喬家歲子至防身河口共計南北寬二
十里其餘南北寬五六七八里不等一覽全圖當瞭然其形勢也

附新建碑記

碑陰

癸亥孟夏奉 令周巡全境視民疾苦偕行者有警察所長陳君鳳笙科長單君
友軒路經是崖觀其勢束鏡泊全湖之水流越巖澎湃直下成爲牡丹江焉如銀

石塊或損便有水從罅隙出探之深不可測迄西十餘里有海眼季春冰泮水流石下聲如雷吼

海眼在石頭甸子西十餘里萬山中有池周八十餘里每日三潮與海水相應

仲夏日初出時恆有巨魚湧出高三丈許長十餘丈飛鳥不敢過其上至巳午

時始沒其出時衆魚隨之皆浮水面漁者因其出而網焉必大獲

按石頭甸子中起自牛廠盤行東京

城之北延經泡子沿哈達灣上官地復向西由响水渡牡丹江西經發戶沿蓮花泡大小朱家屯楊木林子黃氣屯等處循木齊屯沙蘭站南境至南干井子屯向西北折至石頭甸子向北到小北湖而止計長約百餘里寬約數里二三十里不等惟牛廠泡子沿哈達灣響水發戶沿石岡子蓮花泡楊木林子大小朱家屯等處皆平原兼有石上附積浮土厚數尺或數寸不等宜於墾殖黃氣屯以西木齊屯沙蘭站以南之石頭甸子凹凸不平石山石谷石坑等居其多數在木齊屯南三里有極大之孔洞一俗呼為古洞內可容三間房大東西各有一口石孔中或有泉常有魚躍出在石頭屯西有一岩直立約高十五尺俗曰石碑上產黃蒿松甚茂餘如省志所云

牡丹江自發源至入鏡泊湖無異名鏡泊湖之北曰北湖頭水自其處東北流始

名曰瑚爾哈河蓋忽汗之音轉也行十餘里折而北逕弔水樓東三道河自西來

入之河自城西小山合三源南流而東有天橋水合二源自西來合而東逕德林石卡倫北醜為二行十餘里復合東注瑚爾哈河杏花山牛樣子山二水自東來入

之又北二道河自西來入之河合兩源南流折而東數十里入瑚爾哈河又北逕東京城今呼敦京城東敦音轉西北折

而東頭道河自西來入焉

河即波泥河也源出雞蛋石南流折而東逕沙蘭站南沙蘭河自北入焉又東受北來一小水折南流一小水自西來注少南入瑚爾哈河

又東

逕三靈墳而東有瑪勒呼哩河自南來注之楊木台河自北來注之

瑪勒呼哩河一曰馬兒虎出自瑪爾

瑚爾窩集今所謂老松嶺也在甯古塔城南一百四五十里合數源土人呼為六道河屈曲北流受東來一水逕瑪勒呼哩站西有一水自東來注之益北流東西有二小水交注之復北受西來二水北入瑚爾哈河對岸楊木台河自西來逕舊街基南張家嶺西折南流入瑚爾哈河水口與瑪勒呼哩河南北相值如十字焉 又東逕大牡丹屯北受大牡丹屯河又東過甯古塔

城南有哈瑪河自南來注之

河出城南老松嶺兩源歧發曰二道河曰三道河合西北流折而北崩兒嶺水自西來注之又北受東來之梳爾綽河一曰索爾霍綽又東北東受小水一又

北入瑚爾哈河

又東有蝦蟆河自東南來注之

河出城東南山西北入瑚爾哈河 又北過甯古塔城東塔克通阿

河自東來注之

河今日哈雲哈河出塔克通阿窩集直西流南受小水二北受小水一又西逕大王山南一水合二源自南來注之又南受蓮花街水水西入瑚爾哈河 又北西受伊

蘭岡水

水出張家嶺合三源東逕甯古塔城北入瑚爾哈河

又東北東受商音河

河一曰商堅畢拉罕今曰白利哈達出商音畢拉罕窩集西入瑚爾哈河

又北而西

東受呼錫哈里河

河出呼錫哈里窩集西北流數十里入瑚爾哈河

又西而北與鎮里溫車痕河自東來注之

河出城東

北山一曰興哲哩溫徹亨譯音本無定字也西北流數十里入瑚爾哈河

又東北逕龍首山海蘭河自西來入之

海蘭河一曰駭浪河源出五常賓州交界處之海蘭窩集東南流入甯古塔城

西北折而南受西來小水一又折而東受北來小水一

二水並出城西北山

合而南有拉哈

密河自西南來注之河出小爾山折而南流雞卵石水自西來注之釀為二東流數十

里經舊街基北而合有瑪展河自西北來注之即密占河也出密占窩集南東流數十里入海蘭河益東北北受

爾石河即舍赫河出舍赫窩集西受北巖子河合而南入海蘭河折東流北受紅甸子河通志所謂鄂克托河出自距爾古塔城九十里無名小山也又東

受帳房山河又東受石道河河並出城北山南入海蘭河又東經卡倫山入瑚爾哈河

瑚爾哈受海蘭河而東有尼葉赫河自東南來注之河出尼葉赫窩集即城東北之四道嶺也或呼作羅黑河者語音緩急之異今俗謂

之七河凡二源西北經也河卡倫入瑚爾哈河又北特林河自東來注之河出特林窩集即城東北之大嶺合兩源南流北受小水一南受小水一又西經四道嶺南受磨刀河出城

東北磨刀石折西北鐵嶺河合小水二自東來會蓋特林河之分支以音轉誤分為二耳合而西入瑚爾哈河又折而北受東來一小河即齊克勝也又北烏赫林

河自東來注之河即通志之穆哈連也今謂之烏府林或作五合嶺或作烏和林皆對音字源也穆哈連嶺西南流南受阿濟格蘇和辰北受小烏赫林河合而西入瑚爾哈河富達密河

自西來注之河出富達密窩集又北有樺樹林河自東注焉河出城北山分兩源夾頭站西流數十里而合又數十里西入瑚爾哈河又屈而

北有江密峯河自東來薩林河自西來交注之江密峯河出城北薩林河即薩爾布河也出薩爾布窩集又北東受小水

二西受頭道河又北有哈圖河自東來飛來河甯羅河自西來並注之哈圖河出自草甸子西流數十

里謂為二入瑚爾哈河其南支對岸即飛來河源出城北山甯羅河即舒蘭河也又作青羅蓋舒或作書書青形近羅蘭聲近緣以致誤今又訛為甯羅矣源出舒蘭窩集東流百里許入瑚爾哈河又北經三

道卡倫西受錫林河河出城北山今呼細鱗河東受小水四皆無名西受阿穆蘭河河出阿穆蘭窩集又東北入三

姓界西受三道河即安巴河也源出安巴窩集所謂老嶺即此在三姓城南三百餘里河南為甯古塔界河自其處曲折東北行二百餘里入瑚爾哈河折西北經門坎

子响又東北受南來小水二折而西小夾皮溝河自西來注之又北蓮花泡自東

入焉又東呼蘭河自南入焉今呼烟筒山河又北東受柳樹河諸河並出城南山西受小迎門石河

河出小迎門石又北經扁擔嶺西四道三道二道頭道諸河自東入焉河并出城南懶柳子山又北經三

站西東受四道河又東北經城牆磳子東東受大鍋盔頂子河河出其山又北經五個

頂子西西受五道河又東北經烏斯渾卡倫烏斯渾河自東南注焉河一曰阿思罕出三姓城東南三百

餘里之烏斯渾畢拉窩集二源且北流東受龍爪溝河又北東受額和勒河又北東受湖水畢拉河又北東出西白稜河折西北逕烏斯渾卡倫北入瑚爾哈河又西北東受礮松頂子五

河西受尼什哈一河又北廟兒嶺河自東注焉又北而東碾子溝河自南注焉又

東北經松樹嶺東伯勒河自東南來注之河出廟兒嶺西北流南合小河沿蓮花泡二水北注瑚爾哈河又東北過三姓

城西二里許北入混同江

後附新調查表

今甯安縣境內河流表 新調查

名	稱	縣城某方	來	源	河流經過	河流匯合	河自來源	河上流中流下	河內產魚種類
牡丹江	正南	由敦化縣西北四道溝	鏡泊湖甯安縣七河鎮	由迎門石出境至依蘭縣街西與松花江合	九百里	詳備攷	起于匯流處里數	最深	鯽子魚 虫 鯢 魚 為 最多 其 鯽 魚 次 之 雜 魚 又 次 之
蛤蟆河	子正南	由三道河子溝裏	馬廠二道溝大索活氣等屯	至本縣街南關口與牡丹江合	二百里	一尺至五六尺	多	雖有虫 鯢 廣 出 無	
大牡丹河	正西	由十道梁子南溝	五六道梁子海楞大牡丹	至大牡丹屯與牡丹江合	九十里	一尺至二三尺			
二道河	子東南	由二道河子溝裏小岔	柵樹底下小橋	至俠信子屯與三道河子合	八十里	一尺至二三尺			
三道河	子東南	由三道河子溝裏正岔	三道河子溝	李俠信子屯與二道河合 西流為蛤蟆河	六十里	淺者不足尺深者二三尺			
八道河	子正南	由岔溝溝裏老松嶺北坡	岔溝關門嘴子馬廠	至後馬廠與蛤蟆河子合	九十里	淺者不足尺深者二三尺			
馬家屯河	正南	由嘎斯哈溝上草	柵樹林子馬家屯	至八家子與蛤蟆河子合	七十里	淺者不足尺深者二三尺			
大唐頭溝	河東南	由五道溝	大唐頭溝汪家屯	至大唐頭溝與牡丹江合	一百餘里	淺者不足尺深者二三尺			

佛塔密河東北	五虎林河東北	鐵嶺河東北	馬隊河東北	密江河北	海浪河正北	胡什哈河東北	花蓮溝河正東	榔頭溝河正東	缸窰溝河東南
由佛塔密西溝裏	由馬橋河	由十站南溝	由也河南嶺溝岔山	由三道窩嶺前	由西老爺嶺東坡	由許家大屯南溝	由東老爺嶺西坡	由榔頭山	由東老爺嶺西坡
佛塔密西溝	大小城寧關門嘴五虎林	陡溝子十站火鋸四道嶺子	也河南溝黃家屯舊營基	龍脖子唐家崴子	舊街石河	前後樓房燒鍋屯胡什哈等屯	雙陽溝卡路屯	大王山榔頭溝	二道溝正溝大甸子
至佛塔密與牡丹江合	至五虎林西十里與牡丹江合	至薪卡倫東南與牡丹江合	至下也河東與牡丹江合	至廟底下與海浪河合	至海浪河口子與牡丹江合	至下胡什哈與牡丹江合	至蓮花溝口與牡丹江合	至山音一與缸窰溝河合	至山音屯與牡丹江合
九十里	一百八十里	一百里	一百五十里	一百餘里	二百八十里	四十里	九十里	二十里	一百餘里
一尺至二三尺	二尺至三四尺	一尺至二三尺	一尺至二三尺	一尺至二三尺	二尺至五丈	由寸至二三尺	一尺至三四尺	淺者不足尺深者二三尺	淺者不足尺深者二三尺
出細鱗魚	無	無	無	無	出珍珠細鱗魚	無	無	無	無

頭道河子正北	由窟窿碾子南	頭道河子	至小八圍北與牡丹江合	一百餘里	一尺至一二丈	出胖頭魚鱧鱗魚
胖頭岔子正北	由頭道河子西北岔	胖頭岔子	至胖頭岔子溝口與頭道河合	七十里	一尺至一二丈	出胖頭魚鱧鱗魚
二道河子正北	由二道河子溝裏	二道河子	至二道河子溝口與牡丹江合	一百四十里	一尺至一二丈	出胖頭魚細鱗魚
威呼河正西	由二站西溝	必爾罕站東	至北湖頭與牡丹江合	一百七十餘里	一尺至一二丈	出細鱗魚
上下馬蓮河西南	由老松嶺北坡	南邊大三家子上下馬蓮河	至腰帶木河與牡丹江合	二百里	一尺至一二丈	無
石頭甸子河正西	由北天橋	石頭甸子	至天心與牡丹江合	一百八十里	二尺至七八尺	無
蘆家屯河正南	由老松嶺北坡	臥林河圍山子蘆家屯	至臥龍屯東與蛤蜊河子合	一百里	一尺至三四尺	無

按牡丹江在縣城正南起自敦化縣西北四道溝經過鏡泊湖東京城縣城七河鎮流至迎門石出境至依蘭縣街西行與松花江匯合自來源至匯流處計九百里上流水深三尺至六七丈不等因由北湖頭至縣城中道有響水及三道亮子阻隔不能舟行中流由縣至鐵嶺河牡丹江站可以舟行中潮水深四尺至六七丈不等噶行時船運可載重三萬斤小潮水淺三尺至四五丈僅載

重一萬五千斤上下流水深五尺至七八丈不等由鐵嶺河至依蘭其間有

滿天星

大小圓石滿江故有是名

三道額水流勢急船能往而不得返雖往亦極危險人多不

敢輕視也

又按三靈屯前有黃氣河溝水流屆三冬河凍旅行者宜防有淹冷水之危險

也

非俗所謂龍眼

淹冷水者卽水面結冰冰上聚水水又結冰冰薄不能載重車馬行其

上易陷入余此次實地調查三靈墳卽遇此厄其時馬陷水已及腹幸二層冰

未破馬健躍起然亦險矣危矣據土人謂先一日有婦人攜一幼童乘車過此

馬及幼童幾乎淹斃用誌數語以警告旅行黃氣河者

按牡丹江向例小雪封江清明開江如二月清明必清明前數日開江三月清

明必清明後數日開江曆年不爽亦如省城松花江之俗諺也至鏡泊湖屆冬

冰雖早結然必過冬至節後乃可行車馬否則必有危險冬季旅行者不可不

注意焉

寧安縣志

輿地

險要

環境羣山羅列鐵道橫穿中貫一牡丹江局勢之雄壯爲他縣所不及者以軍事地理論之極爲扼要之區域也攷隋大業八年詔殷文振率軍征高麗左十二軍出蓋馬元菟南蘇扶餘右十二軍出肅慎等道肅慎今甯安境地以此觀之古時

出軍東南此爲要隘清開國方略有云戊申年九月窩集部之呼爾哈路侵甯古

塔城

此爲赤圖阿喇城即今之舊街

駐防兵擊敗之足證此地爲必爭之域遠如縣城西北一百八

十里大肚川及正西一百四十里三道嶺子重峰疊翠爲入境最險要也西南一百數十里鏡泊湖老黑山及頭溝店危崖深澤爲西南來最險要也亦水道牡丹江上流之險要也縣城東北八十里鐵嶺河六十里海林站居牡丹江中流之兩岸爲中東鐵路經過之區爲運輸出入必需之場當日俄軍犯境曾駐重兵於此

建築營房尤以鐵嶺河爲多今昔我國軍事家亦均重視此地縣西北百一十里之橫道河子爲鐵道南來入境第一大站由哈爾濱南行至海參崴山危路曲崎嶇難行其他北行三道河子營門石東行老關婆嶺東南行入穆稜境台馬溝亦均爲邊境要隘此外窩集舊地森林稠密匪徒素恃爲淵藪負隅抵抗在戰略上同視爲險要者近如東北二三十里之浪頭溝花臉溝帽兒嶺西南行之十里懸崖依蘭岡七間房爲往來孔道不得不謂之重地其餘則在臨時臨事審度之變遷之矣

按牡丹江流長數百里在未經是地者必謂爲天然糧運之要道殊不知上爲響水及三道亮子之滯阻下爲滿天星及三道額子之障礙上流到處淤沙下流極多大石因此舟楫分段行駛不能通行上下舟運分四段自鏡泊湖以上爲一段弔水樓至三道亮子爲一段三道額以下直通松花江嚆行無阻今流域內既舟行不利論憑藉防守謂爲天然之險要可也論運輸難行謂爲非險要亦可也

甯安縣志

建置

自來東胡爲執郭射獵之國故有棟宇之制視蒙古人種之逐水草遷徙者各別甯安爲古肅慎地契丹國志暨松漠紀聞均云古肅慎城在渤海東三十里遺堞尙在以石累城脚卽此證之可知邊人久已工於建置之術文明開化已具端倪且部落綦布代有雄強若後漢晉之挹婁南北朝之勿吉靺鞨唐之渤海宋時之遼金一切設置更當隨時代而進步矣惜前人記載不詳甯安祇有渤海故都遺址可尋各地古城尙多遺址舍此殆無可紀述者茲就滿清以後關於甯安之建置如城池衙署倉廩特舉其崖略以饗讀者

寧安縣志

建置

城池

盛京通志甯古塔舊城在海蘭河南有石城高一丈餘週圍一里東西各一門城外邊牆週圍五里餘四面四門昂邦章京吳把哈巴都魯監造

楊賓柳邊紀略舊城在覺羅城北五十二里康熙五年移於覺羅城西南新城舊

城遂廢人呼為舊街 按以上二節言舊城也

盛京通志甯古塔城池在奉天府東北一千三百五十餘里永吉州之東南五百四十餘里虎爾哈河之傍用松木為牆中實以土高二丈餘週圍二里半東西南北各一門城外邊牆週圍十里四面有門西南依虎爾哈河康熙五年自舊城遷此將軍巴海監造十五年將軍移駐船廠設副都統鎮守雍正五年於境內設泰甯縣治與副都統同城七年裁泰甯縣副都統仍前專鎮其地

省通志甯古塔駐防城康熙五年十二月工部議准甯古塔所有舊城是槐木隔

石築造年久頽圯應酌量本處派夫照舊修理八旗通志營建志二因自舊城遷此將軍巴海

監造松木為牆中實以土高二丈餘檔案作高六尺五寸周一里半檔案作五百八十五丈門三東曰得勝

西曰望闕南曰迎薰城外邊牆周十里四面有門西南瀕瑚爾哈河通志圖說乾隆三

十一年四十二年五十一年五十七年重修各門檔案光緒九年副都統容山重修

牙城作有重修牙城記列文藝內

方拱乾絕域紀略土地無疆界無城郭枕河而居樹短柴柵三里闢四門而命之

曰城以碎石鑿埤丈餘闢東西門置茅屋數椽而命之曰衙門章京行政地也埤

兩即圮圮即藝柵內即八旗所居當事則厚待士大夫按此指當時遷謫士人

而書一請旨居士大夫於柵內餘人則散居諸屯

聖武記甯古塔在黃龍府東七百餘里與高麗會甯府接壤木城二重國朝新建

距舊城六十里內城周二里將軍親兵居之外城周八里漢人居東南二門之外

康熙初滿兵徵調從軍始令漢人入居城內

甯古塔紀略內城二里許共有東西南三門其北因有將軍衙署故不設門外城周八里共四門南門臨江漢人居東西兩門之外余家在東門外後移住西門內

按以上古今城故實也

按舊城距全城西北六十里在海蘭河南岸自遷新城後舊城遂廢迄無建築房舍以居者刻舊城內墾成熟地數墩名爲學田矣柳邊紀略所謂覺羅城在東北八里今冊檔云周五百八十五丈照中國長度表依營造尺每百八十丈合爲百六十步爲一里計之則周圍當合三里餘也內城殘垣於宣統二年爲李前知府拆毀昔所謂內外城者今徒有其名而已至民國九年防務告急復經曲前任就外城舊址修掘城壕一道寬深各二三尺嗣復淤墊不足應用十一年邇來治斯土見其壕淺阜低難資守衛次年春爰再沿前壕界限增其式廓重修城壕一道南臨牡丹江東由東關帝廟東江沿起而北而西而南至西

江沿止延袤三面共長一千三百二十八丈濬深九尺寬八尺沿壕土阜高七尺復築砲台十三座環城羅布台上各置母豬砲二架共立七門西門累磚爲之上築門樓置砲鎮焉餘六門均豎木爲之各守以兵砲台門卡均置有電燈電話是工也由縣署派陳鳳笙傅鋪祿同商會正副會長祖克敬董鏡茹董其事厥功甚偉凡六閱月始歲事共用款一萬五千餘元係由縣署設法籌撥及由紳商捐募者此後深溝高壘城防賴以無虞經所謂慎固封守官斯土者固未敢緩也

寧安縣志

建置

衙署

滿文便知冊衙門正堂草房五間前堂草房五間左右二司草房各三間大門草房五間康熙五年兵力修建乾隆四十五年改爲官修

二司草檔房各三間乾隆三十年兵力修建二司後土垣八十五丈乾隆八年兵力修建五十六年將土垣改爲板牆

公倉草檔房二間康熙六年兵力修建乾隆四十八年改爲官修

銀庫草樓三間看庫堆撥草房二間康熙六年兵力修建乾隆五十五年改爲官修

印庫草房一間康熙六年兵力修建乾隆四十四年改爲官修

菓樓草房三間康熙十二年兵力修建乾隆四十八年樓因年久損壞將貂皮樓

改爲菓樓清時甯古塔固年有貢貂之定制也

前鋒虎鎗二營草房各三間康熙八年兵力修建乾隆四十八年改爲官修

衙門儀門板房一間二司儀門板房各一間板牆周圍五十二丈三尺康熙六年兵力修建乾隆三十五年改爲官修

官學草房六間康熙三十二年兵力修建乾隆五十七年改爲官修草房三間嘉慶十七年兵力修建

副都統住房草正房五間草廂房六間康熙八年兵力修建乾隆四十八年改爲官修

府廳草房五間合東山牆草正房五間合西山牆草正房七間有草正房三間鋤草草房三間康熙八年兵力修建土垣垣週圍九十丈康熙十七年兵力修建乾隆

四十八年改爲官修門外東西板房各一間週圍柵欄四十四丈康熙八年兵力

修建

城南門草樓一間東西二門草房各一間看門堆撥草房各三間康熙五年兵力
修建乾隆五十七年改爲官修

獄牆週圍二十二丈內有房五間外有房三間乾隆二十八年間修建

查街草房五間康熙四年兵力修建嘉慶四年將正房改爲官修

義倉草房三十二間康熙四十五年兵力修建乾隆十二年動用糶賣義倉穀銀
修理

教場草房三間火藥庫草房一間看庫堆撥草房二間康熙十一年兵力修建乾
隆四十八年改爲官修

養草房三間康熙十二年兵力修建

參居草房一所乾隆二十八年動用官銀修理

八旗十二佐領辦事草房共三十六間軍器樓十二間門房十二間每旗板院周
圍二十一丈計共二百五十丈乾隆三十年兵力修建

城東南三里之遙河沿關帝廟院內東邊新昭忠祠三間嘉慶九年兵力修建

省通志甯古塔副都統署在城內正北隅康熙五年建同治十三年土寇焚燬光

緒三年重建最後爲印房次二堂七楹正中大堂五楹綴以重軒階下爲甬道庭

中老樹數株枝幹蟠曲東偏銀庫三楹左司房八楹西偏右司房六楹倉司房三

楹折而北爲菓子樓原係貂皮庫乾隆四十八年改建雍正四年增建修箭桿處

匠役房儀門一楹大門五楹左右兩翼房暨前槍營虎槍營皂班聽差處俱在大

門外周圍排鹿角木南列照牆檔案圖冊合輯光緒十八年署副都統莫爾賚額重修右司

房並印務處菓子樓承辦處辦事房冊

副都統府在城南門內旗兵營建廳事三楹東爲兵弁住房五楹西書吏房三楹

後爲儀門門後爲二堂五楹兩廂房共四楹又後內室五楹內室迤東有廚房有

厩大門三楹轅門照壁如制乾隆四十七年四十八年並重修檔案圖冊合輯以後繕葺未

詳

監獄在城內西北隅獄官房三間獄房三間看獄巡更廂房共五間冊報

演武廳三間堆撥房三間門樓一座在城東三里許旗兵營建光緒八年重修冊報

摺摺
合輯

火藥局二局在城東門外昭忠祠內冊報

稅課司在城東門內圖說

督捕廳在城東門外城隍廟內同上

街道廳在城南門外同上

八旗弓匠鐵匠房六間盛京通志

激桶房八間櫛案

養鷹房三間同上

御史公館十五間雍正六年設盛京舊志今廢地在西門外德勝街南首居人猶呼為欽差行臺云

按省志修於光緒十七年當在編滿文冊之後前所云草房者後多改為瓦房

矣

時代變更職官頻易忽而宮室忽而禾黍因時設置固隨政令而更迫昔撫今殊
動滄桑之感此間前清公廨今其名雖存實多易矣或仍為公廨或改作地方
辦公之所或成校舍或歸民產用舉其舊蹟註以今名俾攷古者知所尋索焉
清副都統正堂瓦房五間即今縣署之上房

前堂即今之縣公署待客廳

李前太守綺青有聯云此間豐沛舊郡望佳氣鬱葱鬱夏甸無限江關情思聽邊聲蕭瑟如蒲秋筍宜統庚戌八月題也

今縣署客廳東院建一方亭李前太守綺青粵人也題曰憶槎亭夏秋間雜植
花藥繞亭之四周公退坐此時延朋僚品茗酌酒當清風徐來芳香撲鼻助人
清興正復不淺亦歐公禮重樂之遺意也茲錄其識語可想見斯人之懷抱矣其
憶槎亭之記述云康熙間編修吳漢槎兆騫謫甯古塔為文人到此之始距今
二百餘年矣西風懷人因斯作亭匪惟自傷離索盛衰之感尤不能真云 庚

戊九月識

按吳並非編
修此誤致也

左司正堂即今之司法公署辦公廳前堂即今之遊擊隊防所舊名草檔房今爲瓦房

右司正堂即今之習藝所前堂即今之森林局及收發處舊名草檔房今爲瓦房
銀庫房三間即今之縣公署大廚房

印庫即現今旗務科住址

菓子樓即今之森林局北面

前鋒營即今之司法公廳之前警察馬隊之馬棚

虎槍營即今之監獄

官學房六間即今之城裏胡仙堂之後身

副都統公館即今之縣立第一區第一高等小學校十二班及十四班講堂草廂房六間即今之十一班及勇級講堂

府廳卽今之縣立女子八班及十班講堂

大獄卽今之和增永西宗家館一帶

查街草房五間卽今之南關志誠林業公司東南關富貴之治產

教場在風神廟之西北

火藥庫在風神廟之西

養草房卽今之第一學區第六國民學校

棧局草房一所在今之陸軍第二十一旅騎兵團團部卽清吳大澂欽差行臺

左翼六旗各辦事處及軍器樓等處之地址

(一) 舊鑲黃旗在今之西南關陶宅門前

(二) 新鑲黃旗在今之新華公司機器磨廠

(三) 正白旗在關福絲之東院

(四) 舊鑲白旗在南江沿陶升全之治產

(五) 新鑲白旗在孫福亭住宅之後院

(六) 正藍旗在今之東園子吳慶林之前院趙雲麟宅之西院
右翼六旗辦事處及軍器樓之住址

(一) 舊正黃旗在今之西南關西頭路北蘇魁安之治產

(二) 新正黃旗在今之東園子趙雲麟下坎

(三) 舊正紅旗在今之城南南江沿省立第四中學校操場處

(四) 新正紅旗在今之西南關西頭大興源之地址

(五) 鑲紅旗在今之下窪子義成水道東

(六) 鑲藍旗在下窪子第二國民學校東南

按副都統署於裁撤後奉准撥作旗務處兩翼十二旗辦公之所旋經李前任
綺青改設審判廳請作廳署繼爲府署今則爲縣署矣比遷旗署於財神廟後
以財神廟駐軍隊爲便旗署辦公復遷至山神廟東偏院僅舊瓦房三間亦因

陋就簡也

城南門草樓一間卽今之裕德厚及丁家皮鋪之間看門堆撥草房三間卽今之裕德厚住址

城東門草樓一間卽今之珍德永與中興和之間看門堆撥房三間卽今之中興和住址

城西門草樓一間卽今之福源合與晉泰興之間看門堆撥草房三間卽今之西盛園住址

寧安縣志

建置

倉廩

省通志甯古塔倉監督一員由協領內揀派倉官一員倉筆帖式二員管理出入倉穀

公倉在城內東北隅倉房四十間大門一間看房堆撥房二間辦事糧房二間原係兵力苦草修建乾隆八年改建倉瓦房十五間十四年改建瓦房十間二十七年改建瓦房五間三十二年改建瓦房五間三十八年改建瓦房五間四十八年將倉糧房堆撥房改建瓦房

公倉遺址卽今之場市

義倉一在城西北隅一在東門外兩所倉房共三十二間

乾隆十二年因義倉苦草修建將歷年糶穀銀兩改建瓦房公倉額存糧二萬五

千石吉林外紀五歲徵官莊壯丁穀三千九石

光緒十七年實存倉穀二萬九千三百八十石二斗五升八合

義倉遺址卽今之仁合永之前慶祥號之後

義倉額存糧一萬二千石吉林外紀五歲徵兵丁牛具穀五百七十六石光緒十七年實

存倉穀一萬二千七百二十八石

道光二十三年將軍經額布奏言查吉林所屬各城出糶倉穀俱係兵力認買在該兵應得餉銀內扣款今甯古塔本年分穀石每一倉石僅值時價銀二錢零部示不及四錢不准濫售着令停糶候價自應遵照但該處倉廠穀石俱已盈滿自道光十三年至今吉林所屬各城連歲豐收糧多價賤該兵丁認買倉貯出陳之穀似未便於時價之外增價買致滋苦累仰懇恩准吉林所屬各城應糶陳穀每一倉石請照各該城按當年四月分實在時價仍照列減價一錢出糶陳穀不致久有貯霉變之虞而新徵穀石亦得收貯存倉於倉儲兵丁兩有便益從之

按甯安縣舊有倉屋於民國五年四月間因大火被焚後因無款迄未重建但於民國九年十一月間創設董理處董理積穀事至本年十一月共徵收積穀五百三十五石三斗六升因無公倉均分存殷實商號查以前所貸出之倉穀經積穀董理處成立之後按冊查催方收進陳倉穀二百一十九石二斗七升又查自積穀董理處成立至本年十一月共徵存預備建倉費三萬二千三百六十一吊六百二十二文

勘誤表 卷一

目	頁	行	誤	正
輿地沿革	三十一	九	烏拉等圍	烏拉等國
河流	五十九	十三	江出縣北	河出縣北
又	六十一	九	爲兩下	漏一山字
又	六十五	二十	北東出	北東受
又	六十七	五	二百里里	二百餘里

甯安縣志

職官

漢書百官公卿表首詳官制次譜官名唐人廳壁記凡職官姓名占籍任年雖丞尉必書所以備掌故也當年渤海崛起已由部落性質進而建號曰國其任職分官必極詳備惜古籍無傳惟知渤海略仿唐制亦僅存其名稱耳若歷官之姓氏則遼金元明統治之時代亦記載不詳况所謂官名多屬滿語後世攷訂其職掌尙聚訟紛如遑能道其源本迨滿清及民國其關於甯安者有官書可搜有故老可諮較易得其始末茲依次述之俾清代掌故窺見一斑而已

此說未詳其意也

其說未詳其意也

其說未詳其意也

其說未詳其意也

其說未詳其意也

其說未詳其意也

其說未詳其意也

其說未詳其意也

寧安縣志

職官

歷代官制

漢置東部都尉後漢書東夷傳

建武六年省都尉官遂棄東地悉封渠帥為縣侯

挹婁邑有大人見東夷傳

北魏勿吉邑落各自有長魏書

隋開皇中厥稽部長都塔濟

渤海職官

宣詔省

左相 左平章事 侍中 左常侍 諫議

據此仿唐門下省制也唐書門下省有侍中後改左相又有左散騎常侍左諫議大夫掌出納帝命

中臺省

右相 右平章事 內史 詔誥舍人

據仿唐中書省制唐書中書省又曰中臺有中書令及右僕射又改為內史龍朔元年改曰右相光宅元年改內史又

有侍郎及舍人

政堂省

大內相一人比尚書令 左司政二人 右司政二人比僕射 左允 右允比丞

按此仿唐尚書省制唐尚書省尚書令一人左右僕射各一人左右丞各一人總六尚書事

左六司

忠部卿 仁部卿 義部卿居司政下

按忠部以擬唐吏部仁部以擬戶部義部以擬禮部

支司三

爵部 有郎中員外郎

按爵部擬唐吏部而省其司封司勳考功三職

倉部 有郎中員外郎

按倉部以擬唐倉部而省其戶部度支金部三職

膳部 有郎中員外郎

按膳部以擬唐膳部而省其禮部祠部主客三職

右六司

智部 卿 禮部卿同上

按智部以擬唐兵部禮部以擬刑部信部以擬工部

支司三

戎部 有郎中員外郎

按戎部以擬唐兵部而省其職方駕部庫部三職

計部 有郎中員外郎

按唐書龍朔二年改比部曰司計此擬之而省其刑部都官司門三職

水部 有郎中員外郎

按水部以擬唐水部而省其工部屯田虞部三職

中正臺

大中正

比御史大夫
居可政下

少正

比御史
中丞

按中正臺以擬唐御史臺而其下之侍御等蓋史略之必非無之也

殿中司

大令

少令

按殿中司以擬唐殿中省大令以擬置少令擬少監而唐制尚有六局此則不詳

宗屬司

大令

少令

按宗屬司以擬唐中正司光宅元年改曰司屬寺有卿及少卿

文籍院

監令

少監

按此以擬唐祕書省監少監亦唐所有

太常寺

卿

按唐同

司賓寺

卿

按此以擬唐鴻臚寺光宅元年改鴻臚寺曰司賓寺

大農寺

卿

按此以擬唐司農寺

司藏寺

令

按此以擬唐大府寺

司膳寺

令

按此以擬唐光祿寺光宅元年改光祿寺曰司膳寺

冑子監

監長

按此以擬唐國子監

巷伯局

常侍

按此以擬內侍省

以上文職官

左猛賁府

大將軍一人

將軍一人

右猛賁府

大將軍一人

將軍一人

按此以襲唐左右衛光宅元年改曰左右武威衛

左熊衛府

大將軍一人

將軍一人

右熊衛府

大將軍一人

將軍一人

按此以擬左右武衛光宅元年改曰左右鷹揚衛

左翬衛府

大將軍一人

將軍一人

右翬衛府

大將軍一人

將軍一人

按此以擬左右威衛光宅元年改曰左右豹韜衛

南左衛

大將軍一人

將軍一人

南右衛

大將軍一人

將軍一人

北左衛

大將軍一人

將軍一人

北右衛

大將軍一人

將軍一人

按此以擬左右羽林

以上武職

按以上皆本新唐書

五代會要云同光清泰時渤海使臣其官有政堂省守和部少卿南海都督府政堂省守工部卿等官和部未知何屬又元龜載大元讓官學堂親衛皆無攷豈後來有所更易耶南海有都督則各府亦必有都督遼史又有諸道節度刺史則所謂軍者節度也州者刺史也此皆因唐制也

東國通鑑有檢校開國男朴漁則渤海亦有五等封爵又遼史有司徒大素賢太保夏行美是又有三司三公等職矣又全唐文大彝震時有長史

渤海官制大抵因唐其立國在武后時故官名亦多同光宅制度惜所可攷者止有如是然前代規模亦大略具矣

按渤海設五京十四府六十六州一郡一塞一百三十八縣幅員五千餘里可云一時之盛矣新唐書韃韞傳又謂十五府六十二州又獨奏州三

以上均見渤海國志

遼初建置簡質其後因俗酌宜漸參唐制分爲北南面官治兵治民不相侵越惜

史志缺略不詳

金呼爾哈萬戶

元初呼爾哈軍民萬戶府

明奴兒干都指揮使均治今甯安東北野人諸衛悉歸統轄

見地志餘衛所地而已詳疆域沿革

按明制一衛統十千戶一千戶統十百戶大率以五千六百人爲一衛一千一百二十人爲一千戶後各衛立掌印僉事專職理事自衛指揮以下其官多世襲

清代

甯古塔爲柳邊以外最大都會故設有重臣得自達於兵部統轄各路駐防以飭旗務順治十年始設昂邦章京於甯古塔以鎮其地滿語昂邦大也猶言大章京也康熙元年改昂邦章京爲鎮守甯古塔等處將軍十五年以甯古塔將軍移駐吉林乾隆二十二年改爲吉林將軍初制秩正一品乾隆三十二年改爲從一品

按甯古塔自古爲都會之區以今吉林全省地理而言尙居中心地點在有清中葉以前版圖式廓迄乎東海用以外撫東夷內衛遼瀋將軍駐此實得控制之宜乃始計不臧康熙十五年遽遷駐於吉林致省東重鎮防禦空虛東邊黑斤費雅喀諸夷失其統馭馴至俄人狡焉思啓咸豐八年遂成瓊瑯條約坐棄東海沿岸數千萬方里謂非當年輕去甯鎮移防吉林貽其患而釀生厲階耶嗚呼明棄三衛而北邊日以多故古今覆蓋同慨焉矣

甯古塔將軍員缺由八旗滿洲蒙古副都統及本處副都統列名題補會典順治年間定駐防滿洲將軍員缺將八旗滿洲蒙古副都統及本駐防副都統開列題補康熙二十三年議准滿洲將軍員缺將滿洲任漢軍副都統者一併開列乾隆三十九年奏准各省將軍缺出將八旗滿洲蒙古副都統滿洲補授漢軍副都統及本處滿洲副都統補授外省提督職名開列具題會典事例

甯古塔副都統一員正二品先於順治十年甯古塔設梅勒章京二人康熙元年

改梅勒章京二人爲副都統十年以甯古塔副都統一人移駐吉林十五年以吉林副都統移駐甯古塔吉林增設副都統一人三十一年以吉林副都統移駐伯都訥雍正三年吉林設副都統一人 會典事例

甯古塔新滿洲編設佐領補授時令調取引見驍騎校止照咨送補授不必來京驗看凡漢軍驍騎校甯古塔管匠役驍騎校員缺由內外領催甲兵補授 案清文獻通考有委

驍騎校二十二人通典通考會典事例皆不載

筆帖式七員

原設左司二員右司二員 吉林外記兵司册 光緒六年增設一員管理俄務十五年增設二

員辦印務處事 兵司册 倉官一員

筆帖式二員

康熙三十五年設倉官一人筆帖式年分未詳 外紀 助教一員同治八年設 兵司册 奏

案見前吉林下

助教

雍正二年議准甯古塔助教由該將軍於本處八九品筆帖式內擬定正陪咨部引見補授六年任滿該將軍出具考語具題到部由八品筆帖式補授者以京城主事等官用由九品筆帖式補授者以京城正從七品小京官用乾隆五十九年奏准甯古塔助教等缺均改爲四年之限年滿後仍照舊例分別陞用嘉慶十二年定甯古塔助教二缺由該將軍於本處有品級無品級筆帖式內擬定正陪咨部引見補授四年任滿該將軍出具考語具題到部由八品筆帖式補授者以京城主事等官用無品級筆帖式補授者以京城正從七品小京官用俱歸於雙月提陞五缺之後年滿日期先後陞用一人其有無力移產來京者准其以本處武職改用咨送兵部辦理

會典事例

教習

同治八年奏准添設滿教習凡甯古塔伯都訥三姓阿勒楚喀雙城堡烏拉總管

衙門各一員均以通省各該處實缺無品級筆帖式內揀其精通清文清語兼精
騎射漢文之人攷拔咨部補授永遠作為定額不開底缺兵部書院漢教習另設
巡察甯古塔御史

雍正元年甯古塔黑龍江并設值年御史

盛京通志

於科道內由都察院帶領引

見簡派事例一年而更在甯古塔者滿漢各一員七年裁甯古塔漢御史

秦甯縣知縣等官

雍正四年於吉林設永吉州於甯古塔設秦甯縣於伯都訥設長甯縣俱隸奉天
府會典事例七年省秦甯裁知縣典史等官又裁教諭一人

甯古塔副都統正二品起花珊瑚頂俸銀一百五十兩養廉銀七百兩到任在芒
種以前每日應領三十人口糧按每口米三合三抄每日應領米二斗九升五抄
至本年七月三十日止領到接任若在芒種以後至次年七月三十日止領梅針
箭三百支

協領二員從三品藍寶石頂俸銀一百三十兩梅針箭二百五十支

佐領十二員正四品青金石頂俸銀一百零五兩梅針箭二百支蠶一桿海螺一個

防禦十二員正五品水晶頂俸銀各八十兩梅針箭各一百五十支

驍騎校十二員正六品碑礮頂俸銀各六十兩梅針箭各一百支蠶一桿海螺一個

以上每員弓二張甲盔各一具撒袋各一付腰刀各一把

甯古塔副都統衙門筆帖式四員倉筆帖式二員站筆帖式三員由舉人挑取者七品由秀才監生挑取者八品由閑散挑取者九品領催披甲等挑取者無品級八品筆帖式俸銀二十八兩米二十八斗無品級筆帖式俸銀照原餉米三十二斗

甲兵一千四百名內領催五十名領催委官二十二員

前鋒四十名內委前鋒校四員甲兵共一千二百八十八名內箭匠十名挑選甲兵四十名在虎槍營當差領催披甲兵無品級教習二員委筆帖式四員領催前鋒每名梅針箭七十支披甲每名梅針箭五十支領催每名旗一桿計七十二桿兵二名合長槍一桿計七百桿兵四名合帳房一架鍋一口計帳房三百五十架鍋三百五十口槍二百桿每月食餉銀一兩鐵匠十六名弓匠八名由旗人挑取醫官一員應領藥資銀十二兩每日十二人口糧每口八合三抄每月食餉銀二兩官莊領催一名食餉銀一兩件作二名食餉銀一兩米一斗番役十名

甯古塔駐防官

興 佳 鑲藍旗人天命十年以佐領駐防

拉 佳 鑲藍旗人天命十一年以佐領駐防

戴珠瑚 正藍旗人天聰元年以昂邦章京駐防

吳把哈把圖魯 正黃旗人天聰五年以昂邦章京駐防

鍾五戴 鑲白旗人崇德二年以散騎郎駐防

喀爾喀穆 鑲黃旗人崇德四年以散騎郎駐防

海 色 鑲藍旗人順治四年以佐領駐防

喀爾喀 正白旗人順治六年以阿達哈哈番駐防

沙爾虎大 滿洲人順治十年以昂邦章京駐防

甯古塔將軍

巴 海 滿洲鑲藍旗人順治十六年以昂邦章京駐防康熙元年陞鎮守甯古

塔等處將軍十五年移駐吉臨烏喇

音 圖 滿洲正紅旗人康熙二十二年任

佟 保 滿洲人康熙二十八年任

沙那海 滿洲人康熙三十五年任

楊 福 正藍旗人宗室康熙三十九年任

蒙古洛 鎮藍旗人覺羅康熙四十八年任

穆森 滿洲人康熙五十四年任

巴賽 鎮藍旗人宗室輔國公康熙五十七年任

哈達 滿洲人雍正五年任

常德 滿洲人雍正八年任

都賚 滿洲人雍正十年由副都統署任

博第 滿洲人乾隆元年任

吉黨阿 滿洲人乾隆元年八月任六年八月內召

鄂彌達 滿洲人六年八月任

博第 滿洲人九月再任

巴靈阿 滿洲人九年三月任

阿蘭泰 蒙古人十一年八月任

索拜 某旗人十三年四月任

永興 滿洲人閏七月任

新柱 滿洲人十四年十二月任

卓鼐 滿洲人十五年五月任

覺羅傅森 鑲黃旗人十六年四月任

額勒登 滿洲人二十年十二月任二十二年八月卒

薩喇善 滿洲人二十二年八月任

按自乾隆二十二年薩任起改甯古塔將軍為吉林將軍以後故不贅錄

甯古塔副都統 順治十年設左右翼
康熙十年裁一缺

海塔 滿洲正白旗人順治十年任

尼哈里 滿洲正白旗人順治十年任

滿貴 滿洲鑲藍旗人順治十八年任

傅格 旗分無考康熙元年任

海塔 康熙元年再任

滿邛 滿洲正藍旗人康熙四年任

胡巴克泰 滿洲正白旗人康熙六年任

安珠瑚 滿洲正黃旗人康熙六年任

荆齊 滿洲正白旗人康熙十年任

安珠瑚 康熙十五年再任

薩布素 旗分未詳康熙十七年任

雅泰 滿洲正紅旗人康熙三十二年任

耿額 滿洲鑲紅旗人康熙三十三年任

博定 滿洲正白旗人康熙三十八年任

喀珥圖 滿洲正黃旗人康熙四十二年任

馬齊 滿洲正白旗人康熙四十六年任

阿岱 滿洲正紅旗人雍正二年任

常德 滿洲鑲黃旗人雍正五年任

多索禮 旗分未詳雍正八年任

塔爾岱 旗分未詳雍正九年任

哲庫納 旗分未詳雍正九年任

巴爾岱 滿洲正白旗人雍正十年任

常昇 滿洲鑲藍旗人雍正十一年任

宗室圖納 鑲白旗人乾隆七年任

伊倫泰 滿洲鑲紅旗人乾隆十年任

額勒登 滿洲正紅旗人乾隆十七年任

舍圖肯 旗分未詳乾隆二十年任

宗室格糊 正藍旗人乾隆二十一年任

福僧阿 滿洲正黃旗人乾隆二十四年任

增海 滿洲正藍旗人乾隆二十八年任

明亮 滿洲鑲黃旗人乾隆三十三年任

卞柱 滿洲鑲白旗人乾隆三十七年任

福珠禮 滿洲鑲黃旗人乾隆三十七年任

達色 旗分未詳乾隆四十二年任

安臨 蒙古正白旗人乾隆四十八年任

那奇塔 滿洲正藍旗人乾隆五十四年任

慶霖 滿洲鑲黃旗人乾隆五十九年任

富尼善 滿洲鑲黃旗人嘉慶二年任

邦爾明阿 滿洲鑲藍旗人嘉慶五年任

富登頌 滿洲鑲黃旗人嘉慶九年任

德甯阿 滿洲鑲藍旗人嘉慶十五年任

達斯歡岱 滿洲鑲黃旗人嘉慶十九年任

和福 旗分未詳道光三年任

伊勒東阿 滿洲鑲藍旗人道光十一年任

烏爾德善 旗分未詳道光十八年任

班迪 旗分未詳道光二十七年任

巴東阿 旗分未詳咸豐二年任

富春 旗分未詳咸豐四年任

富明阿 旗分未詳咸豐八年任

喀通阿 旗分未詳咸豐十一年任

色爾固善 旗分未詳同治二年任

高福 旗分未詳同治五年任

烏勒興額 滿洲鑲黃旗人同治六年任

雙壽 蒙古鑲紅旗人同治十三年任

雙福 滿洲正藍旗人光緒元年任

德平阿 蒙古鑲紅旗人光緒七年任在任二年

德昌 滿洲鑲紅旗人光緒八年任在任二月

巴圖哩 旗分未詳光緒八年任在任二月

雙壽 蒙古鑲紅旗人光緒八年任在任八月

容山 滿洲正黃旗人光緒九年任在任四年

恩祥 旗分未詳光緒十三年任在任三月

富爾丹 滿洲正紅旗人光緒十三年任在任四年

吉陞阿 旗分未詳光緒十七年任在任六月

莫爾廣祖 旗分未詳光緒十七年任在任六月

富爾丹 滿洲正紅旗人光緒十八年任在任三年

富凌阿 吉林鎮黃協領光緒二十年任在任一年

富林布 京旗頭等侍衛光緒二十一年任在任一年

慶 祿 吉林蒙古正紅旗協領兼翼長光緒二十二年任在任二年

沙克都林札布 係京旗頭等侍衛光緒二十三年任在任二年

雙 齡 京旗頭等侍衛光緒二十五年任在任二年

訥 蔭 本城協領署理光緒二十六年任在任一年

全 福 吉林正紅旗人光緒二十七年任在任一年

慶 祿 吉林蒙古旗人光緒二十八年任在任七年裁缺

按原設甯古塔副都統一員於宣統二年裁缺改爲旗務分處以右翼協領志

和改充提調後改處長旋又裁撤歸縣設科

按光緒九年後於副都統外另有欽差大臣一員駐節於此膺其任者爲吳大澂時以省東中俄國界亟須詳勘故今專辦邊務軍務旋裁調

甯古塔左右翼協領

甯古塔

八旗二缺分左右兩翼由順治初設至同治十二年任人無考

莫爾根 同治十年任左翼十三年致

瑚圖哩 同治十三年任左翼光緒九年調

瑞徵 同治十三年任右翼

托雲佈 同治十三年任右翼光緒三年陞

明陞 光緒三年任右翼七年調

巴圖哩 光緒七年任右翼由吉林正黃旗轉在任二十年

雙勝 光緒九年任左翼在任二十一年

蘇崇阿 字子凌甯古塔鑲白旗人光緒二十七年任左翼在任一年

訥 蔭 字芝泉甯古塔鑲黃旗人光緒二十七年任右翼在任二年

訥音佈 字敏臣吉林蒙古旗人光緒二十八年任左翼在任七年

志 和 字介臣係伊通州鑲黃旗人光緒二十八年任右翼在任十五年

孟富德 字潤堂係甯古塔正紅旗人宣統元年任左翼現充軍官

按原設協領二員隸屬於副都統現未裁

甯古塔佐領 八旗二缺分左右兩翼由順治初設至同治十二年任人無考

莫爾根 同治十年任左翼

瑚圖哩 同治十三年任左翼

瑞 徵 同治十三年任右翼

托雲佈 同治十三年任右翼

明 陞 光緒三年任右翼

巴圖哩 光緒七年任右翼

雙勝 光緒九年任左翼

甯古塔公中世管佐領 公中各旗自初設至同治四年任人無考

鑲黃旗

哈豐阿 同治十三年任公中

雙福 任公中

隆福 光緒二年任公中

忠壽 任公中

諾穆綿 任公中

關泰 光緒三年任公中

永海 光緒四年任公中

富慶 光緒九年任公中

馬亮 任公中

喜崑
光緒十二年
任公中

德音
光緒十四年
任公中

滿慶
光緒十五年
任公中

常山
光緒十七年
任公中

正黃旗

春泰
同治六年
任公中

常興
任公中

瑚圖哩
同治十三年
任公中

花良河
任公中

岳克精
光緒五年
任公中

喜昌阿
光緒十二年
任公中

玉壽
光緒十四年
任公中

正白旗

松 恆

同治十三年
任公中

恩 齡

任公中

恩 祥

光緒五年
任公中

春 陞

光緒九年
任公中

常 祥

光緒十二年
任公中

蘇崇阿

光緒十四年
任公中

慶 春

光緒十六年
任公中

鑲紅旗

德 恆

同治五年
任公中

巴圖哩

任公中

全 榮

光緒七年
任公中

喜壽

光緒八年
任公中

正紅旗

康熙十三年初編正紅正藍鑲藍三旗世管管東北各滿部投順而來故即以酋長充一部族之世管佐領

科勒德

康熙十三年以阿木達鄉長孟姓編入任世管 按科勒德是其初任其二任額訥佈三任扎哈扎四任額奇德五任烏碩六任色勒訥七任依色勒八任英德九任烏雲佈十任花連佈十一任富爾松阿十二任吉勒圖

塔十三任常海十四任常魁年俱未詳

文全

道光十二年
任公中

榮廉

任公中

保成

光緒元年
任公中

德順

光緒四年
任公中

金德

光緒五年
任公中

吉立杭阿

光緒十一年
任公中

雙海

光緒十六年
任公中

正藍旗

投車

康熙十三年以臥密陶姓族員編入
任世管

推達哩

雍正七年噶盤子
任世管乾隆二十六年故

依常阿

乾隆二十五年推達哩子
任世管嘉慶十一年故

托清阿

嘉慶十一年巴扎哩子
任世管道光元年故

阿爾順

嘉慶十六年依常阿子
任世管道光十一年故

富坤

道光十一年阿爾順子
任世管同治二年故

諾穆渾

同治二年富坤子
任世管光緒十三年故

全伸

光緒十三年諾穆渾子
任世管

鑲藍旗

瑚哈圖

康熙十三年以熬命鄉長何姓編入
任世管

阿奈

瑚哈圖子
任世管

雅普久

康熙二十四年阿奈弟
任世管三十六年故

剛努

康熙三十六年阿奈子
任世管五十四年致

都超

康熙五十四年剛努子
任世管雍正十二年故

隆保

雍正十二年阿奈孫
任世管乾隆二十九年故

巴扎哩

乾隆二十九年隆保子
任世管嘉慶十一年致

隆全

道光元年把濟阿子
任世管十一年故

蘇勒肯

道光十三年隆全子
任世管同治元年故

色克吞

同治元年蘇勒肯姪
任世管光緒十七年故

博棟武

光緒十七年色克吞子
任世管以上據印册

鑲白旗

康熙十五年增編此旗保羅斤族

珠穆那喀

康熙十五年以黑龍江口鄉長孟姓編入
任世管

德都仲

珠穆那喀弟
任世管二十五年故

永闊

珠穆那喀子康熙二十五年
任世管雍正四年致

松 泰

永闕子雍正四年
任世管七年陞

依三達爾

松泰弟雍正七年
自世管十年故

德勒楚

德都仲孫雍正十年任
世管乾隆十一年革

扎爾色

彼三達爾子乾隆十一年
任世管十七年故

希 拉

扎爾色子乾隆十七年
任世管三十五年故

扎勒必山

希拉子乾隆三十五年
任世管五十七年故

富勒洪阿

扎勒必山弟乾隆五十七年
任世管嘉慶二年故

托克托佈

富勒洪阿子嘉慶二年任
世管道光二十三年故

常 伸

托克托佈子道光二十三年任世管
以下至咸豐年未詳餘亦多闕

穆隆阿

同治七年
任公中

英 祿

任公中

按前清旗署選拔官缺俱照定例令驗缺人員射步箭五枝多中者作為擬正

其次者作擬陪正陪各一名由該管將軍送部引見請旨補放若擬正佐領一名蒙如擬補放其擬陪佐領一名即遵旨爲記名佐領而防校等缺亦照例選拔餘可以類推如在教軍場挑缺以馬步箭六技能多中者爲入彀同數者覆攷又旗員之序補法一如擬陪佐領奉旨記名爲第一輪二軍功奉旨記名爲第二輪三保荐記名者爲第三輪四隨時經該管將軍揀選合格人員稟請記名者爲第四輪此旗員序補之法至於佐領之管轄本旗情形清制國語與騎射並重京內自王公以及八旗子弟雖上有都統衙門而仍以該旗爲本管此其家族制度爲徵兵之根據法也而滿語原音將軍與漢文同原稱昂邦占爺譯音昂邦章京京旗稱孤色語班卽旗務大臣之意副都統稱梅梭章京協領稱孤色達佐領稱牛象章京防禦稱遮勒級章京驍騎校稱分德撥什庫領催曰撥什庫甲兵曰烏克申半甲曰發克什成年與未成年之子弟均曰西丹惟章京之原音原是占爺二字於康熙年間京內之滿蒙漢舉凡習翻譯者曾經

定有翻譯生員至翻譯舉人經同文館總裁奏請將占爺名稱更爲章京奉旨永久遵行此官缺滿語類別之概要及意義如此又公中佐領之取義原因清鼎既定如三姓下江索倫人等及魚皮韃子之歸化者每足一百人即行遵旨編爲一旗由歸化人等舉一人爲佐領而世襲之是謂世管佐領其原有八旗各設佐領一缺每遇佐領缺出凡在一將軍管轄區內之各防禦均得列驗一缺是之謂公中佐領此公中佐領之取義與世管佐領之不同者焉

清代道尹

東南路兵備道

宣統元年裁副都統置

郭宗熙字侗白湖南長沙人在任一年他調至民國五年升任省長

陶彬字梅先年三十六歲 宣統二年十一月到任

清代歷任府廳縣

秦甯縣

雍正四年置七年廢

戴肇銘係江蘇人

綏芬廳同知

杜玉衡字秉鈞順天府武清縣供事試用通判光緒二十九年六月初二日署任三十年四月十三日交卸

吳士澂字鑑青安徽甯國府涇縣附貢生候補知州光緒三十年四月十三日署任三十二年二月二十八日交卸

方世立字孝朗安徽安慶府桐城縣監生候補知州光緒三十二年二月二十八日署任三十三年五月十三日交卸

趙多第字岷琛江蘇丹徒縣附生試用通判光緒三十三年五月十三日署任十月初三日交卸

李達春字暢如浙江會稽縣供事游學東洋警察教育科畢業磐石縣知縣光緒三十三年十月初三日署任

高翔字集安江蘇無錫人光緒三十四年十二月到任宣統元年四月卸任
綏芬府知府旋改爲甯安府知府

李綺青字漢珍進士廣東番禺人宣統元年到任是年升廳爲綏芬府次年四月
卸任茲搜得當年辭職稟詞一件全文以駢體行之命意措詞莊皇典麗斯人懷
抱於是可見

稟詞
附後

附李前太守綺青上吉林陳巡撫辭職稟

駢體

敬稟者竊知府猥以樗姿獲依樹蔭已誤楚材之移植復蒙彌表之揄揚自愧無能深慚弗稱伏念知府讀書卅
載作吏念年由閩嶠而轉徙畿疆自薊北而遙遷塞外際紛紛續狗之日隨一一吹竽而來遂成逾量之施亦叨不次
之擢然而家遠迭遷旅况難言孫楚有諫亡之篇白傅多哀逝之感繁絲滿鬢河陽攬鏡而生愁么風孤飛坡老依聲
而寄恨驅餒萬里傷心此行遂使衰白慈親遠隔紫塞零丁稚子同赴黃沙奉檄道遠陔闈損歡荷戈路窮江魚無味
屢請歸雲之操期紓愛日之忱徒以花封甫葢藍縷方開未遽走神虎而挂冠託秋鱸而解組未陽百里尚無縱酒之
狂中都三旬已報衰衣之政方幸免尸居之責卽當賦遂初之章况赤舌亦燒素心難諒如彼衆口皆攢鑽命之能仰
念慈懷終有投杼之日雖川量礎潤之甫兆已臨深履薄而難安因託微罪而行冀守直躬之素在他人疏於覲面不
職其物爲何人爾憲帥鑒及恩衷早知汲黯是慈吏飄然賀豐行矣孔璋自比飛鴻留印泥於東邁分同候雁避朔雪

以南歸獨豆恩深尚覺依馳轅下江湖夢遠勿能再作衙官梅躬白飯初泔知咸白帽來侍帶北難爲初滯同南既擬
卽辭倚裝待發官迹離合兩戒已窮世俗毀譽一言以蔽異日者臺聯同濟或重迎齊國旌麾卽不然挈酒齊江恩陪
侍平泉草木飄縷不盡毋任才臣所有叩謝原因除正稟詳陳外理合肅稟恭叩崇安伏乞垂鑒

劉潤滋字霖圃奉天瀋陽人宣統二年八月到任十二月卸任

熊廷襄字芋僧湖北松滋人宣統二年十二月到任是年改綏芬府爲甯安府

綏芬廳歷任教佐

教諭成其相直隸保定府高陽縣廩膳生乙亥恩科舉人光緒二十九年八月十
八日到任

綏芬廳歷任佐貳

原命名知事官職八品

舒和祥四川成都府華陽縣監生賓州燒鍋甸分防巡檢光緒二十九年五月十
七日到任三十年四月十三日卸任

李冠瀛順天宛平縣監生候補照磨光緒三十年四月十三日到任三十三年四

月十三日卸任

孟廣鈞字頌平山東德州增貢生前農安縣巡檢光緒三十三年四月十三日升
補到任

巡檢吳金鑑順天府大興縣監生敦化縣巡檢光緒二十九年閏五月十一日到
任三十一年三月二十四日卸任

汪澤溥奉天海城縣監生試用巡檢光緒三十一年三月二十四日到任三十四
年八月十八日卸任

喬楫雲江蘇甘泉縣供事五常廳巡檢光緒三十四年八月十八日到任

民國職官

延吉鎮守使 民國九年以延輝鎮守使改置

張九卿字向忱年四十八歲奉天黑山人在任一年半

丁超字潔忱年五十歲奉天興京人在任一年半

吉興字培之年四十歲奉天 人現任

東南路觀察使 民國二年改置

陶彬字梅先年三十九歲浙江紹興人

延吉道尹 民國三年六月改置

陶彬字梅先餘同前民國五年調任長春道尹

張世銓字蘭軒年五十歲直隸鹽山人在任四年

陶彬字梅先現年五十歲民國九年八月復任餘同前在任先後十一年 後附德政

碑文

附吉林延吉道道尹陶公梅先德政碑文

太上立德其次立功其次立言士君子行比一鄉而澤及一身者弗尙也必焉著懷惠之績敷典教之文善備於已而爲垂德化成於物而爲德政若是者惟我道尹陶公足以當之 公肇迹會稽翔聲遼海聰明仁恕博通中外蒞政延幾十有七載矣邦之人士喑喑喁喁被和蒙化其德蓋未易僕指數也 公之始來也在民國紀元前五年圖們江界務交涉方面 公贊襄邊務動協機宜庚戌冬防軍譁變 公力主鎮靜維護首嬰橫以無事幸亥春風疫流行防範

善戰得免於災癘秋武昌起義各省騷動 公勞身焦思規畫周至四境帖然其擴充教育以啓民智撫綏黎民以期
開化精神之所萃而百年之計存焉迨調任吉長道道尹送者千餘人至爲揮涕而天欲以 公歷試諸艱屯軍潮暴
發吉長適當其衝匪類嘯聚戰氛四塞危機一髮若隄之將潰而未決 公聞警亟驅車冒彈而往禍卒以解九年春
大吏知東南重鎮非 公莫屬仍令遷延華聖人民扶老攜幼歡迎達十里不二日彈奔突被匪患人心阜皇朝不及
夕 公奮身赴理撫視災黎安慰僑領又督飭警團會合駐軍實力防勸民以安堵消友邦遣兵 公據理交涉始允
撤回而韓黨企圖獨立亦決計消弭之其善謀碩畫造福於延邊者未有涯量蓋 公自應而府而置居延也最久
公視延如故鄉而延民亦視 公如父母其恩德入人之深如此綜觀我 公安內輯外之功布政施仁之道在在爲
延民謀利益爲東省羣邊圍爲國家 保土 燃 誠 哉 且 公 歷 官 半 生 而 清 貧 如 故 十 歲 潔 之 風 又 爲 人 讚 譽 愛 特
數陳治績綴爲文詞刊石崇瞻永垂不朽頌曰
於穆 陶公彭壽風高東南藩障廿載焦勞天造英雄盤根錯節外輯邦交內安臚總德在生民洪福滄肌爭歌來嘉
深繫人思兩岡峨峨闔門浩浩蔽蒼苔甘棠千秋永保

甯安府知府

熊廷襄字芋僧湖北松滋人宣統二年十二月到任是年改爲甯安府民國元年

五月卸任

文錦字蜀生年五十二歲湖北荊州駐防旗人民國元年五月到任二年十月卸任是年三月改爲甯安縣

甯安縣知事

文錦 同上

李恩露字潤之年五十五歲伊通人民國二年十月到任四年八月卸任

德頤字養源年三十九歲旗人民國四年八月到任五年五月卸任

孟清溪字苻波年四十歲直隸深縣人民國五年五月到任六年九月卸任

李德鈞字紫衡年五十四歲京兆人民國六年十月到任八年九月卸任

劉延祺字攷亭年三十七歲奉天海城人民國八年九月到任九年六月卸任

曲鴻年字惠亭年四十五歲奉天海城人民國九年六月到任十年十一月卸任

楊渡字泮溪年三十七歲奉天海城人民國十年十一月到任十一年九月卸任

玉世選字伯康年三十六歲吉林吉林縣人民國十一年九月到任現在任

附縣公署現在各科供職員名

總務科長張兆麟字趾祥年三十一歲奉天綏中縣人吉林高等醫藥學校正科畢業民國十年十一月到差

會計科長單友軒以字行原名興弟年三十八歲吉林縣人直隸優級師範畢業民國十一年九月到差

科員沙鍾源字叔泉年四十二歲吉林縣人吉林高等巡警學校畢業民國十一年九月到差

科員孫鳳亭字儀齋年二十八歲甯安縣人中學畢業民國四年四月到差

科員沈紹宗字靖南年三十歲吉林阿城人民國十一年九月到差

典獄兼會計員李慶林字凌閣年三十六歲吉林縣人前充陸軍一等軍需民國十二年六月到差

庶務員孫毓桂字璵璠年四十六歲吉林縣人民國十一年九月到差

書官吳富華字明軒年四十二歲奉天海城人民國十年十一月到差

統計員張兆琳字玉書年四十歲奉天人民國十一年九月到差

總務科書記長伊永貴字石卿年二十四歲吉林甯安人民國九年一月到差

會計科書記長鄭獻廷字子修年四十歲山東人民國三年一月到差

旗署職官

左翼協領孟富德字潤堂

現任軍官
餘詳前

署左翼協領連仲字捷三甯古塔旗人 現以阿勒楚喀左翼協領
轉署甯古塔左翼協領

右翼協領景文字煥章甯古塔正紅旗人 民國八年升副都統銜花翎協領佐領委營總春海在
六合陣亡奉清帝旨賞以雲騎尉世襲罔替量文以嫡孫

承襲今降
授斯職

甯古塔左翼佐防校

舊鑲黃旗中公佐領德隆字體乾甯古塔正白旗人

防禦惠清字鏡清甯古塔正黃旗人

驍騎校關溥泉字錦堂甯古塔舊鑲黃旗人

新鑲黃旗中公佐領常有字雲亭甯古塔新鑲黃旗人

驍騎校慶壽字鶴齡甯古塔鑲白旗人

正白旗中公佐領常太字子恆原雲騎尉升任甯古塔本旗人

防禦春林字靜山甯古塔正黃旗人

驍騎校常青字柏如甯古塔鑲白旗人

舊鑲白旗世管佐領圖奇科已故未襲現經本旗驍騎校廉泉署理

防禦國棟字漢章甯古塔鑲黃旗人

新鑲白旗中公佐領富爾杭阿字潤亭甯古塔正黃旗人

驍騎校惠全字愛山甯古塔正藍旗人

正藍旗世管佐領全伸已故未襲現以鑲白旗防禦國棟署理

防禦海昌字晏清甯古塔鑲黃旗人

驍騎校壽綿字延齡甯古塔正黃旗人

右翼佐防校

舊正黃旗中公佐領喜陞字懋齋原由騎都尉遷升本旗人

驍騎校孟富連甯古塔正紅旗人

新正黃旗中公佐領榮鈞吉林旗人未到任現以本旗防禦清來署理

驍騎校全毓字綉隆甯古塔舊正黃旗人

舊正紅旗世管佐領常魁

已故現以正白旗防禦惠清署理

驍騎校瑞昌字雪豐甯古塔鑲黃旗人

新正紅旗公中佐領玉陞

吉林人現未到任以正藍旗防禦海昌署理

防禦富連字慎齋甯古塔鑲藍旗人

驍騎校趙藹字卜謙甯古塔鑲紅旗人

鑲紅旗公中佐領文亮字子星

甯古塔正紅旗花翎二品頂戴儘先協領佐領委營總於同治元年四月二十四日在山東陣亡賞以騎都尉承襲四次襲次完以雲騎尉世襲罔

替文亮以嫡孫承襲一次現任鑲紅旗佐領

防禦富陞字潤軒甯古塔鑲紅旗人

驍騎校永謙字益山甯古塔鑲紅旗人

鑲藍旗世管佐領博棟武

已革未襲現以正紅旗防禦富連署理

防禦祺綿字弗泉甯古塔正藍旗人

驍騎校連瑞字劍俠甯古塔舊正黃旗人

按以上均是現任其佐領原設十二缺內有公中八缺世管四缺已故未襲防
禦八缺左翼新鑲黃旗新鑲白旗右翼舊正黃旗舊正紅旗原未設防禦驍騎
校原設十二缺隨缺檢補現均未裁

清江先生集卷之四

禮部尚書

禮部尚書

禮部尚書

禮部尚書

禮部尚書

禮部尚書

禮部尚書

禮部尚書

禮部尚書

禮部尚書

禮部尚書

寧安縣志

祀典

國家祭祀自古垂爲大典意在崇功報德并敦化勵俗也清制官建祠寺多列入祀典地方官必春秋致祭自民國起僅以孔廟關岳廟及忠烈祠春秋致祭著爲常典全國一致行之良以孔子師表萬世關岳爲千秋人傑歲時肸饗可以維繫乎世道裨益於人心也甯安在滿清時爲將軍駐在地文廟建自乾隆惜八九年前爲祝融所燬關廟縣城有二相傳俱建自康乾間東城傾廢過半西城規模仍舊宏敞

餘另詳

至岳廟忠烈祠

前清有昭忠祠
在東關路北

尙付闕如

通志卷之三

通志卷之三
一曰... 二曰... 三曰... 四曰... 五曰... 六曰... 七曰... 八曰... 九曰... 十曰... 十一曰... 十二曰... 十三曰... 十四曰... 十五曰... 十六曰... 十七曰... 十八曰... 十九曰... 二十曰... 二十一曰... 二十二曰... 二十三曰... 二十四曰... 二十五曰... 二十六曰... 二十七曰... 二十八曰... 二十九曰... 三十曰... 三十一曰... 三十二曰... 三十三曰... 三十四曰... 三十五曰... 三十六曰... 三十七曰... 三十八曰... 三十九曰... 四十曰... 四十一曰... 四十二曰... 四十三曰... 四十四曰... 四十五曰... 四十六曰... 四十七曰... 四十八曰... 四十九曰... 五十曰... 五十一曰... 五十二曰... 五十三曰... 五十四曰... 五十五曰... 五十六曰... 五十七曰... 五十八曰... 五十九曰... 六十曰... 六十一曰... 六十二曰... 六十三曰... 六十四曰... 六十五曰... 六十六曰... 六十七曰... 六十八曰... 六十九曰... 七十曰... 七十一曰... 七十二曰... 七十三曰... 七十四曰... 七十五曰... 七十六曰... 七十七曰... 七十八曰... 七十九曰... 八十曰... 八十一曰... 八十二曰... 八十三曰... 八十四曰... 八十五曰... 八十六曰... 八十七曰... 八十八曰... 八十九曰... 九十曰... 九十一曰... 九十二曰... 九十三曰... 九十四曰... 九十五曰... 九十六曰... 九十七曰... 九十八曰... 九十九曰... 一百曰...

通志

通志

甯安縣志

祀典

文廟

廟在城裏東南隅文昌宮之旁正殿三楹中供

大成至聖先師孔子神位左右附四配神位旁供十哲及先賢先儒神位殿前泮池

上架木橋池前櫺星門兩旁門分書禮門義路四字清嘉慶二十三年建

盛京志乾隆三十五年

年誌

民國五年五月十日燬於大火迄未重建

調查稿

按古者先師無廟但立學校因事釋奠焉後世州縣建孔子廟因設爲學制雖異古而用意同焉甯安東京古有國學之碑海蘭舊行學府之制足徵中原文化輸入此邦匪今伊古惜元明後未有所聞迨清乾隆間始就城東南隅修建官學義學鄭重文教爲建孔廟之始基今雖就燬他日斯邦人文蔚起不難創議修復茲仿省志例舉凡從祀先賢先儒之姓氏位次舊日儀注祭品樂舞及

民國祀孔新令樂章悉綴於篇俾後之學者見而思敬數典不忘也

附規制 見會典並省志

至聖先師孔子神位

按至聖上懸有大成二字

南向木主高二尺五寸五分廣六寸五分厚一寸朱

地金書小座高四寸五分大座高一尺四寸五分龕二重

四配神位木主高一尺七寸廣四寸五分厚五分赤地金書小座高三寸五分

大座高一尺五分東西連二龕合座十二哲

謹案康熙五十一年以朱子升配大成殿為十一哲乾隆四年以有子升配為十二哲

神

位木主高一尺四寸廣三寸五分厚五分赤地金書小座高二寸五分大座一

尺東西各連六龕合座

文廟祀典攷

正殿奉

至聖先師孔子神位

正中南嚮

附兩配兩廡次序

東配在殿內東旁西嚮復聖顏子名回字子淵魯人漢永平十二年祀七十二弟子顏子位第一

述聖子思子 名伋字子思宋大觀二年從祀端平二年升列哲位咸淳三年配享

西配在殿內西旁東嚮

宗聖曾子 名參字子與魯南武城人唐開元八年從祀宋咸淳三年配享

聖魯孟子 名軻字子與一云子車鄒人宋元豐七年配享

東哲在殿內次東旁西嚮

先賢閔子 名損字子騫魯人唐開元八年從祀

先賢冉子 名雍字仲弓魯人唐開元八年從祀

先賢端木子 名賜字子貢衛人唐開元八年從祀

先賢仲子 名由字子路卞人唐開元八年從祀

先賢卜子 名商字子夏衛人唐貞觀二十一年以經師從祀開元八年以十哲從祀

先賢宥子 名若字子若魯人唐開元二十七年從祀清乾隆三年升列哲位

西哲在殿內次西旁東嚮

先賢冉子 名耕字伯牛魯人唐開元八年從祀

先賢宰子 名予字子我魯人唐開元八年從祀

先賢冉子 名求字子有魯人唐開元八年從祀

先賢書子 名偃字子游吳人唐開元八年從祀

先賢顧孫子 名師字子張陳人唐開元二十七年從祀宋咸淳三年升列哲位

先賢朱子 名熹字元晦婺源人宋高祐元年從祀清康熙五十一年升列哲位

兩廡從祀先賢先儒神位木主高一尺三寸六分廣三寸五分厚六分赤地墨書小座高二寸大座高七寸五分東西

各連四祀典故

東廡先賢在殿下東旁而嚮

先賢公孫僑 字子產一字子美鄭人清咸豐七年從祀

先賢林放 字子邱魯人唐開元二十七年從祀明嘉靖九年改祀於鄉清雍正二年復

先賢原憲 字子思禮弓作仲憲宋人鄭康成曰魯人唐開元二十年從祀

先賢南宮适 字子容史記作括家語作南宮縶引家語作縶謂即魯孟僖子之子仲孫閱也閱一作說魯人 案讀

史訂疑夏氏洪基朱氏彝尊俱謂南宮适與南宮敬叔為一人而鄭氏環駁正之 文廟祀典故以鄭說為長今

從之唐開元二十七年從祀

先賢南宮适字子木魯人唐開元二十年從祀

先賢漆雕開 家語字子若史記字子開蔡人鄭康成曰魯人唐開元二十七年從祀

先賢司馬耕 字子牛家語作司馬犁耕論語集註名犁宋人唐開元二十七年從祀

先賢梁鮪 字叔魚一作鮪字子魚齊人唐開元二十七年從祀

先賢冉孺 字子魯索隱引家語作孺字子魯今本家語亦作孺字子魚一作曾魯人唐開元二十七年從祀

先賢伯虔 字子析索隱引家語作伯虔字子哲今本家語作伯虔字楷魯人唐開元二十七年從祀

先賢冉季 字子產或作子遠魯人唐開元二十七年從祀

先賢漆雕徒父 字子文闕里文獻攷或作子有魯人唐開元二十七年從祀

先賢漆雕哆 字子欽家語哆作修文翁作圖多魯人唐開元二十七年從祀

先賢公西赤 字子華魯人唐開元二十七年從祀

先賢任不齊 字子選楚人唐開元二十七年從祀

先賢公良孺 字子正索隱云鄒誕本作公襄備家語作孺亦字子正一作子幼陳人唐開元二十七年從祀

先賢公肩定 字子中宋高宗贊作子忠一作子申魯人或曰晉人唐開元二十七年從祀

先賢鄒單 字子家徐廣曰一云鄒單魯人唐開元二十七年從祀

先賢罕父黑 字子索索一作素家語作宰父黑字索魯人唐開元二十七年從祀

先賢梁丘 字子祺索隱引家語作榮祈字子顏魯人唐開元二十七年從祀

先賢左人郢 字子行魯人唐開元二十七年從祀

先賢鄭國 字子徒索隱引家語云薛邦字徒今本家語作薛邦字子徒魯人唐開元二十七年從祀

先賢原亢 字子精史記作原亢精案隱引家語云名亢字子精魯人唐開元二十七年從祀

先賢廉潔 字子庸衛人古史作齊人唐開元二十七年從祀

先賢叔仲會 字子期魯人鄭康成曰晉人唐開元二十七年從祀

先賢公西與如 字子上魯人一作齊人唐開元二十七年從祀

先賢邾巽 字子欽案隱作邾巽云家語作遺字子欽文翁闕作與遺蓋亦避漢諱故之魯人唐開元二十七年從祀

先賢陳亢 字子禽說文亢作伉陳人唐開元二十七年從祀

先賢琴張 字子開一字子張衛人唐開元二十七年從祀

先賢步叔乘 字子車齊人唐開元二十七年從祀

先賢秦非 字子之魯人王引之曰非與飛通之當爲止字之誤也唐開元二十七年從祀

先賢顏噲 字子聲魯人唐開元二十七年從祀

先賢顏何 字子冉魯人唐開元二十七年從祀明嘉靖九年罷祀 清雍正二年復祀

先賢臧寬 字子象魯人 清雍正二年從祀

先賢牧皮 清雍正二年從祀

先賢樂正克 趙岐注樂正姓熊氏鄭人清雍正二年從祀

先賢高章 齊人清雍正二年從祀

先賢周敦頤 字茂叔宋道州人學者稱濂溪先生諡曰元宋高宗元年從祀清康熙五十三年改稱先賢

先賢程頤 字伯淳宋河南洛陽人文彥博題其墓曰明道先生諡曰純宋高宗元年從祀清康熙五十三年改稱先賢

先賢仰雍 字彝夫宋河南人諡康節宋咸淳三年從祀清康熙五十三年改稱先賢

兩廡先賢 在殿下西旁東嚮

先賢選瓊 字伯玉衛人唐開元二十七年從祀明嘉靖九年改祀於鄉清雍正二年復

先賢澹臺滅明 字子羽武城人唐開元二十七年從祀

先賢宓不齊 字子賤魯人唐開元二十七年從祀

先賢公冶長 字子長釋文引家語云字子張又引范甯云名芝字子長索隱引家語名壽又范甯云字子芝鄭氏環

曰周人諱名無名與字同者當從釋文字子張或從索隱名壽魯人史記作齊人唐開元二十七年從祀

先賢公皙哀 字季次家語作公皙尅今孔本作克毛本亦作哀字季沈哲或作析齊人一作魯人唐開元二十七年

從祀

先賢高柴 字子羔家語作季羔檀弓作子皋齊人鄭康成曰衛人檀弓疏鄭人唐開元二十七年從祀

先賢樊須 字子遲索隱作遲字魯人鄭康成曰齊人唐開元二十七年從祀

先賢商澤 字子季一作子雋魯人唐開元二十七年從祀

先賢巫馬施 字子期史記作子旗一作子旂家語作巫馬期字子期陳人鄭康成曰魯人唐開元二十七年從祀

先賢顏辛 字子柳魯人唐開元二十七年從祀

先賢曹卬 字子循蔡人唐開元二十七年從祀

先賢公孫龍 字子石衛人鄭康成曰楚人唐開元二十七年從祀

先賢秦商 字丕茲史記字子丕魯人唐開元二十七年從祀

先賢顏高 字子驩索隱引家語云名產今本家語作刻魯人唐開元二十七年從祀

先賢壤駟 字子徒王引之曰徒讀爲緒說文云緒赤土也古聲從緒相近秦人唐開元二十七年從祀

先賢石作蜀 字赤明鄭氏環曰蜀當作燭古本家語作石之蜀今本作石子蜀氏族略複姓篇有石作氏秦之成紀

人唐開元二十七年從祀

先賢公夏首 字子乘家語首作守魯人唐開元二十七年從祀

先賢后處 字子里齊人唐開元二十七年從祀

先賢奚容蒧 字子哲衛人孔本家語作魯人唐開元二十七年從祀

先賢顏祖 字子幾今本家語祖作相魯人唐開元二十七年從祀

先賢句井疆 字子疆家語字子界一字子野衛人唐開元二十七年從祀

先賢秦祖 字子南秦人唐開元二十七年從祀

先賢縣成 字子祺索隱云家語作子謀今本家語字子橫魯人唐開元二十七年從祀

先賢公祖句茲 字子之家語作公祖茲王引之曰句與拘通說文曰拘止也之亦當爲止句訓爲止故字子止也魯人 開元二十七年從祀

先賢燕伋 字子思家語作級魯人唐開元二十七年從祀

先賢樂欬 字子聲魯人唐開元二十七年從祀

先賢狄黑 字子皙衛人唐開元二十七年從祀

先賢孔忠 字子度今本家語作孔弗孔子兄孟皮之子唐開元二十七年從祀

先賢公西蒧 字子上家語字子尚魯人唐開元二十七年從祀

先賢顏之僕 字子叔魯人唐開元二十七年從祀

先賢施之常 字子恆今本家語字子常魯人唐開元二十七年從祀

先賢申根 字子周史記作申黨字周釋文引史記作申業家語作申續字子周孔本作申續索隱云文翁圖有申根申業弟子攷云禮殿圖作儻咸淳臨安志云字子續魯人唐開元二十七年從祀

先賢左邱明 魯人爲魯太史朱子以爲楚左史倚相之後唐貞觀二十一年以經師從祀

先賢秦冉 字子開史記字開蔡人唐開元二十七年從祀明嘉靖九年罷祀清雍正二年復

先賢公明儀 魯南武城人清咸豐三年從祀

先賢公都子 齊人孟子弟子清雍正二年從祀

先賢公孫丑 齊人孟子弟子清雍正二年從祀

先賢張載 字子厚宋鳳翔郿縣人諡曰明學者稱橫渠先生宋淳祐元年從祀清康熙五十三年改稱先賢

先賢程頤 字正叔宋河南洛陽人諡曰正世稱伊川先生宋淳祐元年從祀清康熙五十三年改稱先賢

東廡先儒 在殿下次東旁西嚮

先儒公羊高 齊人生周末子夏弟子受經於子夏唐貞觀二十一年從祀

先儒伏勝 濟南人秦博士龐鍾璐曰按索隱引張華云名勝紀年云字子賤考伏生爲宓子之後云字子賤者蓋誤

以宓子字爲伏生字也唐貞觀二十一年從祀

先儒毛亨 河間人或曰魯人清同治二年從祀

先儒孔安國 字子國孔子十一世孫唐貞觀二十一年從祀

先儒后夔 字近君漢東海郟人明嘉靖九年從祀

先儒許慎 字叔重東漢汝南召陵人清光緒二年從祀

先儒鄭康成 東漢北海高密人唐貞觀二十一年從祀明嘉靖九年改祀於鄉清雍正二年復

先儒范甯 字武子晉南陽順陽人唐貞觀二十一年從祀明嘉靖九年改祀於鄉清雍正二年復

先儒陸贄 字敬輿唐蘇州嘉興人諡曰宣清道光六年從祀

先儒范仲淹 字希文宋蘇州吳縣人諡文正清康熙五十四年從祀

先儒歐陽修 字永叔宋廬陵人諡文忠明嘉靖九年從祀

先儒司馬光 字君實宋夏縣涇水鄉人封溫國公諡文正宋咸淳三年從祀

先儒謝良佐 字顯道宋壽春上蔡人清道光二十九年從祀

先儒羅從彦 字仲素宋南劍羅源人學者稱豫章先生諡文質明萬曆四十一年從祀

先儒李綱 字伯紀宋邵武人諡忠定清咸豐元年從祀

先儒張栻 字敬夫宋漢州綿竹人世號南軒先生諡曰宣宋景定二年從祀

先儒陸九淵 字子靜宋撫州金谿人學者稱象山先生明嘉靖九年從祀

先儒陳澧 字安卿宋漳州龍溪人門人稱北溪先生清雍正二年從祀

先儒真德秀 字景元從更爲希元宋浦城人世稱西山先生諡文忠明正統二年從祀

先儒何基 字子恭宋婺州金華人諡文定清雍正二年從祀

先儒文天祥 字宋瑞又字履善自號文山宋吉州吉水人清道光二十三年從祀

先儒趙復 字仁甫元德安人學者稱江漢先生清雍正二年從祀

先儒金履祥 字吉父元婺州蘭溪人學者稱仁山先生諡文安清雍正二年從祀

先儒陳澧 字可大元都昌人學者稱雲莊先生又稱經歸先生清雍正二年從祀

先儒方孝儒 字希直一字希古明甯海人諡文正清同治二年從祀

先儒薛瑄 字德溫明山西河津人學者稱敬軒先生諡文清隆慶五年從祀

先儒胡居仁 字叔心明江西餘干人人稱敬齋先生諡文敬萬曆十二年從祀

先儒羅欽順 字允升號整庵明江西泰和人諡文莊清雍正二年從祀

先儒呂楠 字仲木明陝西高陵人別號涇野學者稱涇野先生諡文簡清同治二年從祀

先儒劉宗周 字起東明浙江山陰人學者稱念臺先生清乾隆四十一年 賜諡忠介道光二年從祀

先儒孫奇逢 字啓泰一字鍾元清直隸容城人世稱夏峰先生道光八年從祀

先儒張履祥 字考夫清浙江桐鄉人學者稱楊園先生同治十年從祀

先儒陸隴其 初名龍其後改今名字稼書清浙江平湖人雍正二年從祀乾隆元年特旨賜諡清獻

先儒顧伯行 字孝先清河南儀封人諡清恪光緒四年從祀

西廡先儒在殿下次西旁東嚮

先儒穀梁赤 釋文引七錄云名淑字元始顏師古曰名喜魯人受經於子夏與壽孝公同時唐貞觀二十一年從祀

先儒高堂生 字伯逸魯人唐貞觀二十一年從祀

先儒晝仲舒 漢廣川人元至順元年從祀

先儒劉德 漢景帝子封河間王諡曰獻清光緒三年從祀

先儒毛萇 漢趙人爲河間獻王博士世謂毛亨爲大毛公萇爲小毛公唐貞觀二十一年從祀

先儒杜子春 漢河南緱氏人唐貞觀二十一年從祀

先儒諸葛亮 字孔明東漢瑯琊陽都人諡忠武清雍正二年從祀

先儒王通 字仲淹隋河東龍門人門弟子私諡曰文中子明嘉靖九年從祀

先儒韓愈 字退之唐鄧州南陽人諡曰文宋元豐七年從祀

先儒胡瑗 字翼之宋泰州海陵人諡文昭人稱安定先生明嘉靖九年從祀

先儒韓琦 字稚圭宋相州安陽人諡曰獻清咸豐二年從祀

先儒楊時 字中立宋南劍將樂人諡文靖學者稱龜山先生明宏治八年從祀

先儒游酢 字定夫宋建州建陽人清光緒十八年從祀

先儒尹焞 字彦明一字德充宋洛人賜號和靖處士清雍正二年從祀

先儒胡安國 字康侯宋_延甯崇安人諡文定明正統二年從祀

先儒李侗 字畝中宋南劍劍蒲人學者稱延平先生諡文靖明萬曆四十一年從祀

先儒呂祖謙 字伯恭本居壽州遷婺州諡曰成學者稱東萊先生宋景定二年從祀

先儒袁燾 字和叔宋慶元府鄞縣人諡正獻學者稱絮齋先生清同治七年從祀

先儒黃榦 字直卿宋福州閩縣人諡文肅學者稱勉齋先生清雍正二年從祀

先儒輔廣 字漢卿號潛齋本河朔人南渡居秀州崇德縣世稱慶源輔氏清光緒五年從祀

先儒蔡沈 字仲默宋建州建陽人元定季子諡文正學者稱九峯先生明正統二年從祀

先儒魏了翁 字華父宋邛州蒲江人諡文靖清雍正二年從祀

先儒王柏 字會之號魯齋宋婺州金華人諡文憲清雍正二年從祀

先儒陳秀夫 字君實宋楚州鹽城人清咸豐九年從祀

先儒許衡 字仲平元河內人諡文正皇慶二年從祀

先儒吳澄 字幼清元撫州崇仁人諡文正明正統八年從祀嘉靖九年罷清乾隆二年復

先儒許謙 字益之元金華人世稱白雲先生諡文懿清雍正二年從祀

先儒曹端 字正夫明河南沁池人學者稱月川先生私諡靜修清咸豐十年從祀

先儒陳獻章 字公甫明廣東新會人學者稱白沙先生萬曆初追諡文恭萬曆十二年從祀

先儒蔡清 字介夫號虛齋明福建晉江人萬曆中追諡文莊清雍正二年從祀

先儒王守仁 字伯安明浙江餘姚人世稱陽明先生諡文成萬曆十二年從祀

先儒呂坤 字叔簡一字心吾明河南甯陵人清道光六年從祀

先儒黃道周 字幼平明福建漳浦人學者稱石齋先生清乾隆四十一年賜諡忠端道光五年從祀

先儒陸世儀 字道威號桴亭清江蘇太倉州人光緒元年從祀

先儒湯斌 字孔伯一字潛庵清河南睢州人乾隆元年賜諡文正道光三年從祀

崇聖祠五王神位皆南向木主高一尺七寸廣四寸五分厚五分赤地金書正位五

龕中獨座左右兩龕合座

祀典考五

四配神位木主高一尺四寸廣三寸五分厚五分赤地金書東西連二龕合座

今增孟皮氏於顏氏之上一龕獨座

同上

肇聖王木金父公正中

裕聖王祈父公左

詒聖王防父公右

昌聖王伯夏公左次

啓聖王叔梁公右次

附兩配兩廡次序

東配東位西嚮

先賢孔氏孟皮

先賢顏氏 名無繇史記字路家語字季路

先賢孔氏 名鯉字伯魚

西配西位東嚮

先賢曾氏 名點字子皙史記作巖字皙

先賢孟孫氏 名激字公宜魯公族孟孫之後

兩廡從祀神位木主高一尺三寸六分廣三寸五分厚六分赤地墨畫東連二龕一廡連二龕開一龕中分為二各一

座也

獨龍一廡西連二龕一廡祀典考五

東廡祠外東旁西嚮

先儒周氏 名輔成周子敦頤之父

先儒程氏 名頤字伯溫二程子顛頤之父

先儒蔡氏 名元定字季通世稱西山先生諡文節蔡子沈之父

西廡祠外西旁東嚮

先儒張氏 名迪張子載之父

先儒朱氏 名松字喬年號韋齋朱子熹之父元至正二十一年設獻壇

歲以春秋仲月上丁日釋奠

陳設

先師正位前制帛一色白設案一牛一羊一豕一登一實以太羹餼二實以和羹簋
二實以黍稷簋二實以稻粱籩十實以形鹽藜魚棗栗榛菱芡鹿脯白餅黑餅
豆十實以菹菹醢醢菁菹鹿醢芹菹兔醢笋菹魚醢脾析豚拍尊一爵三罍一

鐙二

四配位前制帛各一色白各設案一陳羊一豕一餼二簋二簋二實並同上籩
八實同上無白餅黑餅豆八實同上無脾析豚拍爵三罍一鐙二東西各尊一
十二哲位前制帛各一色皆白東西各設六案餼一實以和羹簋一實以黍稷
一實以稷籩四實以形鹽棗栗藜魚豆四實以菁菹鹿醢芹菹兔醢爵三東西
各羊一豕一尊一罍一鐙二

兩廡二位共一案每案陳餼簋各一籩豆各四實如哲位先賢案前東西各

羊二豕二先儒案首東西各羊一豕一東西各尊三統設香案二每案制帛一爵三鑑一鐙二

崇聖祠正位五案各帛一羊一豕一劍二簠簋各二籩豆各八實如配位爵三尊一鑑一鐙二

崇聖祠配位凡五案各帛一劍一簠簋各一籩豆各四實如哲位東西各羊一豕一尊一鑑一鐙二

兩廡位前東二案西一案案設爵一簠簋各一籩豆各一東西各帛一羊一豕一尊一鑑一鐙二以上俱會典事例三百三十四

樂器

府州縣各學皆設麾一編鐘十六編磬十六琴六瑟四排簫二簫六笛六篪四笙六壎二建鼓一搏拊二祝一瑟一節二羽三十六籥三十六奏昭平宣秩平敘平懿平德平之章陳六佾之舞二月以夾鐘為宮八月以南呂為宮會典三十四

儀注

祭之前二日承祭分獻官皆致齋執事官禮服至犧牲所省牲前一日承祭官

率僚屬禮服上香監視宰牲執事者舉祝案送致齋所承祭官視畢送至前後

殿安設一跪三叩退祭日日出前六刻承祀等官更衣畢通贊贊啓戶樂舞生

登歌執事者各執其事文舞六佾進承祭官就位分獻官就位陪祭官就位

東文

式瘞毛血

司毛血生捧毛血從中門出埋西北隅坎內

啓牲饌蓋舉迎神樂奏昭平之章司捧香盤贊引引

承官升東階入殿左門詣

先師香案前司香跪進香贊跪承祭官行一叩禮興贊上香承祭官上炷香次三上

瓣香跪一叩興贊復位分獻官各詣四配十二哲兩廡先賢先儒位上香如儀

皆復位通贊贊跪叩興承祭官行三跪九叩禮各官隨行禮興贊奠帛行初獻

禮奏宣平之章舞羽籥之舞引贊引承祭官詣盥洗所浴進巾司帛奉帛司爵

奉爵進承祭官入殿左門詣

先師位前跪一叩興司帛跪奉篚承祭官受篚拱舉奠於案司爵跪奉爵承祭官受

爵拱舉奠於正中亞獻奠左三獻奠右跪一叩興復位分獻官各詣四配十二哲兩廡奠獻

如儀各復位司祝至祝案前跪三叩奉祝版跪案左樂暫止承祭官詣讀祝位

跪衆官皆跪司祝讀祝畢捧祝版詣正位跪安於案三叩退承祭官三叩興各

同叩復位行亞獻禮奏秩平之章行終獻禮奏敍平之章舞并同初獻承祭分獻并如

初獻儀乃飲福受胙承祭官詣飲受位前跪飲福酒受福胙執事生奉正案中爵羊左騰跪奉承祭官拱舉畢歸

之三叩興復位衆官同跪叩興舞文德之舞退乃徹饌奏懿平之章徹畢送神奏德平之

章承祭官及衆官行三跪九叩禮執事者奉祝次帛次饌次香恭送燎所各官

避立西旁東面俟過復位引詣望燎位望燎畢闔戶各退

崇聖祠同時致祭贊引引承祭官入祠左門分獻官隨入承祭官盥洗畢引詣殿階

下正中分獻官以次序立於後均北面典儀贊執事官各共迺職以下自迎神至送神皆典儀唱贊

贊引官贊就位引承祭官就拜位立贊迎神司香捧香盤進贊引官贊就上香

位引承祭官升東階由殿左門入詣

壁龕王香案前立司香跪奉香贊引官贊跪承祭官跪一叩贊上香承祭官上炷香
次三上瓣香一叩興以次詣左右

正位前上香僕同贊復位引承祭官退至殿左門北面揖出

凡出殿門皆揖

復位分獻官

各詣配位兩廡從祀位前上香如儀皆復位贊引官贊跪叩興

以下行禮皆有贊

承祭官

行三跪九叩禮分獻官均隨行禮奠帛行初獻禮執事生各奉篚執爵進承祭官入殿左門詣

神位前跪一叩司帛跪奉篚承祭官受篚拱舉奠於案司爵跪奉爵承祭官受爵拱舉奠於正中一叩興以次奠獻畢司祝至祝案前三叩奉祝版跪案左承祭官詣讀祝位跪司祝讀祝畢詣正中

神位前跪安於案三叩退承祭官行三叩禮畢仍由殿左門出復位分獻官奠帛獻爵各如儀皆復位次亞獻奠爵於左次終獻奠爵於右配位兩廡畢獻儀

均與初獻同徹饌送神承祭官及分獻官均行三跪九叩禮執事生奉祝次帛
次饌次香恭隨燎所承祭官避立西旁東面俛祝帛過復位引詣望燎位望燎
引承祭官退

按以上兩條據遵義府志會典及祀典考
俱載遺官釋奠儀注其文小異故錄此

祝文 祝版白紙黃綾墨書

維某年月日某官某致祭於

至聖先師孔子曰維

先師德隆千聖道冠百王揭日月以常行自生民所未有屬文教昌明之會正禮和

樂節之時辟雍鐘鼓咸恪薦於馨香泮水膠庠益致嚴於籩豆茲當秋仲祗率

彝章肅展微忱聿將祀典以復聖顏子宗聖曾子述聖子思子亞聖孟子配侑

饗祀典
考五

維某年月日某官某致祭於

聖王

裕聖王

詒聖王

昌聖王

啓聖王曰維

王奕業鍾祥光開聖緒盛德之後積久彌昌凡聲教所覃敷率循源而溯本宜

肅明禮之典用申守土之忱茲屆仲春秋聿修祀事配以先賢孟皮氏先賢顏氏

先賢曾氏先賢孔氏先賢孟孫氏尙饗上同

規條

順治元年定每歲春秋仲月上丁日直省府州縣各行釋奠於

先師之禮以地方正印官主祭陳設禮儀均與國子監丁祭同會典事例

順治初年定直省府州縣建名宦鄉賢二祠於學宮內每歲春秋釋奠

先師同日以少牢祀名宦鄉賢皆地方官主祭行禮上同

康熙二十五年議准直省武官協領副將以上遇

文廟祭祀并令陪祀行禮

同上

五十年題准樂章皆用平字因州縣未曾頒發仍襲前明錯用和字著直省各

巡撫通行府州縣儒學皆改和字爲平字以歸畫一

同上

雍正三年奏准將

文廟祭器樂器式樣刊刻頒行直隸各省畫一製造

會典

五年議准

文廟內行禮至各府州縣守土正印官率領各屬員亦於上丁日行禮毋得簡率

從事均照典制遵行

同上

十二年議准直省

文廟祭器樂器有未全備者該地方官詳明督撫照額設原數備齊如有損壞亦

卽詳明修補府州縣官并教官離任時俱各查明交代如有損壞遺失之處或

教官已經詳報而該地方官不行修整責令該地方官賠修如教官未經詳報

卽著教官賠修

乾隆元年議准凡

文廟祭器樂器有未製備者均動項成造仍於完竣時報部覈銷

上同

附乾隆三年頒

額曰與天地參額於太學闕里及天下文廟又頒

聯曰齊家治國平天下信斯言也布在方策率性修道致中和得其門者譬之

宮牆見省志

民國法令

大總統爲宗仰時聖通電各省衙門電令

各省衙門均鑒臨時大總統令立國之本在於政治而政治新舊之遞嬗恆視學說爲轉移我中國之尊孔子始於漢武帝擯黜百氏表章六經自是學說遂統於一尊顧孔學博大與世推移以正君臣爲小康以天下爲公爲大同其後歷代人主專取其小康學派鞏固君權傳疏諸家變本加厲而專制之威能使舉世學者

不敢出其範圍近自國體改革締造共和或謂孔學言制大一統而辨等威疑其說與今之平等不合淺妄者流至悍然倡爲廢祭之說此不獨無以識孔學之精微卽於平等自由之真相亦未有當也孔子生貴族專制時代憫大道之不行哀斯民之昏墊乃退而祖述堯舜刪修六經春秋撥亂之後爲升平太平之世禮於小康之上進以大同共和之義此其導源遠如顏曾思孟近如顧黃王諸儒多能發明宗旨擇精語詳大意微言久而益著醞釀鬱積遂有今日民主之局天生孔子爲萬世師表既結皇煌帝諦之終亦開選賢與能之始所謂反之人心而安放之四海而準者本大總統証以數千年之歷史中外學者之論說蓋灼然有以知日月之無傷江河之不廢也惟民國以人民爲主體非任其自由信仰不足以徵心理之同前經國務院通電各省徵集多數國民祀孔意見現尙未覆齊茲據尹昌衡電稱請令全國學校仍行釋奠之禮等語所見極爲正大應俟各省一律議覆到京卽查照民國體制根據古義將祀孔典禮折衷至當詳細規定以表尊崇

而垂久遠值此邪說充塞法守蕩然以不服從爲平等以無忌憚爲自由民德如是國何而立本大總統維持人道夙夜兢兢每於古今治亡之源政學會通之故反覆研求務得真理以爲國家強弱存亡所繫惟此禮儀廉恥之防欲遏橫流在循正軌總期宗仰時聖道不虛行以正人心以立民極於以祈國命於無疆鞏共和於不敝凡我國民同有責焉此令

見宗聖彙誌

民國大總統祀孔典禮令

民國三年二月

據政治會議呈覆前奉諮詢祀孔典禮一案經開會全體議決僉以崇祀孔子乃因襲歷代之舊典議以夏時春秋兩丁爲祀孔之日仍從大祀其禮節服制祭品當與祭天一律京師文廟應由大總統主祭各地方文廟應由該長官主祭如有不得已之事故得於臨時遣員恭代其他開學首日孔子生日仍聽習慣自由致祭不必特爲規定等語孔子性道文章本生民所未有馨香俎豆更歷古而常新民國肇興理宜率舊應准如議施行此令

見公報并民國新法令

民國祀孔子樂章

四年三月
十一日

迎神始和

大哉至聖先覺天民

萬世師表昭我彝倫

辟雍有典肅舉明禋

鼓鐘載考

籩豆誠陳

初獻雝和

生民以來莫盛夫子

禮器廟堂式昭前軌

瞻彼杏壇高山仰止

簠簋銅羹

薦馨方始

亞獻熙和

德茂以加我民是知

享用太牢禮云在魯

設奠兩楹敢陳文舞

嘉禮再醴

鏞茲鐘鼓

終獻淵和

猗歟聖師萬禩攸崇

折中六藝學者所宗

上丁元祀典禮加隆

在前忽後

登獻爰終

徹饌昌和

俎豆惟芳祀事孔明 淵淵壁水觀禮于京 居歆載假神聽和平 几筵告徹

綏我思成

送神德和

煌煌太學四方之綱 緬懷前哲見羹見牆 卑服云遙金絲在堂 禮儀既備

明德馨香

民國祀孔子樂譜 夾鐘清均 夾鐘起調

迎神始知

大宮角至商聖商 先角覺宮天下徵民下羽 萬宮世商師商表下羽 昭下羽我宮彝商

倫下羽 辟下羽雍宮有角典徵 肅徵舉商明下羽禋商 鼓宮鐘下徵載下羽攷宮 籩下

羽豆下徵誠下羽陳宮

初獻籬和

生宮民_{下羽}以商來角 莫_{下羽}盛商夫_{下羽}子商 禮宮器商廟_{下羽}堂_{下徵} 式商昭角前

軌宮 瞻_{下徵}彼_{下羽}杏商壇宮 高宮山商仰角止商 簠_{下羽}簋宮_商羹宮 薦_下

馨_{下徵}方_{下羽}始宮

亞獻熙和

德宮蔑_{下羽}以商加角 我宮民_{下羽}是商矩商 享宮用宮太_{下羽}牢_{下徵} 禮商云宮在下

羽魯_{下徵} 設商奠_徵兩角楹商 敢宮陳商文宮舞宮 嘉_{下徵}醴_{下羽}再_徵醜商 鑠商茲

商鐘_{下羽}鼓宮

終獻淵和

猗宮歎宮聖商師商 萬宮禊_{下羽}攸角崇商 折_{下徵}中_{下徵}六_{下羽}藝商 學商者_{下徵}所

角宗_徵 上角丁_徵元宮祀商 典_{下徵}禮_{下徵}加角隆商 在宮前_{下徵}忽_{下徵}後宮 登_徵

獻商爰宮終宮

徹饌昌和

俎宮豆角惟宮芳下羽 祀商事商孔宮明下羽 淵宮淵宮壁下羽水商 觀宮禮下微于宮

京商 居商款商載微假角 神角聽微和宮平下羽 几商筵角告宮徹商 綏下微我宮

思商成宮

送神德和

煌宮煌宮太微學角 四商方下羽之商綱宮 緬下羽懷宮前下微哲下羽 見角奠宮見角

臨角 車商服宮云商遙角 金商絲商在下微堂下羽 禮角儀商既商備下羽 明下羽德

下微馨下羽香宮

關帝廟

廟有五 一在城東正殿三楹後殿三楹東西配廡各五楹禪堂三楹文昌殿三楹
馬神殿三楹大門三楹康熙四年建 一在城西正殿三楹東西配廡各三楹禪堂
十四楹酒仙祠一楹牛王殿一楹大門三楹乾隆四十年建 一在城西南十里許

依蘭岡正殿三楹東西配廡各五楹大門三楹一在城西北六十里也河屯正殿三楹禪堂三楹大門三楹乾隆四十八年建一在城西八十里沙蘭站正殿三楹東西配廡各三楹鐘鼓樓各一大門三楹門前有演戲樓一座康熙十年建

按城東關帝廟已傾廢大半廟內匾額庚子被俄軍折燬殆盡庭院修重碑記一座猶存在焉內駐防軍一連國民小學校一所中殿存偶像數尊而已西城關帝廟規模宏敞未改舊觀現陸軍旅部駐之殿內懸重修匾額一爲嘉慶十一年一爲咸豐戊午一爲同治五年一爲光緒二十二年一爲二十九年中殿石碑二嘉慶五年庚申商民重修碑記也外懸鐵鐘二觀其款識係乾隆五年孟冬鐫簷懸聯文曰

處倫紀內做第一等人赫赫炎炎萬古丹心昭日月

居宇宙間作最上乘事巍巍蕩蕩千秋浩氣炳乾坤

聯文堂皇莊整書法亦極秀健爲粵嶠黃編修明之手筆院前有戲台上懸額

曰神聽和平亦黃於乾隆二十一年與前聯同時書者其他匾額無非尋常頌揚語無可記者及民國四年奉令關岳合祀乃將岳武穆神牌並列致祭此外距城較遠諸關廟已漸形簡陋但每屆夏歷五月十三日香火仍舊繁盛足證國民崇拜之心理遠近猶一致也

關岳合祀典禮

各地方 關岳廟祭禮民國四年三月十一日令

各地方關岳廟皆以歲春秋分節氣後第一戊日由該地方行政長官

省以巡按使 將軍駐在

地則以將軍 道以道尹 縣以縣知事 特別行政區域則以道尹或辦事長官

親詣敬祭有故則以屬代兩序分獻亦各以其屬在

該地方各軍官警官及兼有軍警職各文官一體與祭其與將軍同城之巡按使及與巡按使同城之道尹道尹同城之縣知事不另致祭祭之日陳設祭品行禮儀節均與京師遣祭 關岳廟禮同

按上註巡按使今則改省長矣

右祭儀

祝辭曰惟某年月日某地方某官某敬祭於

關壯穆侯

岳忠武王曰惟 神武功彪炳偉烈昭垂建大節於千秋振英風於六合忠誠正
直麗河嶽而長留智仁勇功與日星而並耀潔馨香而合祀德量同符肅俎豆以
明禋心源如接惟祈 歆享克鑒精誠尙 饗

右祝辭

迎 神樂奏建和之章辭曰懿鑠兮神功震華夏兮英風義勇兮河東惟湯陰兮
與同修祀典兮方州伫降歆兮闕宮奠帛初獻樂奏安和之章辭曰神來兮格思
風馬下兮靈旗量幣兮初陳薦芳馨兮玉卮瞻仰兮明威儼如在兮軒墀舞干戚
之舞亞獻樂奏靖和之章辭曰萬舞兮洋洋樂再舉兮陳觴靈昭昭兮既留庶鑒
誠兮降康舞同初獻終獻樂奏康和之章辭曰名世兮鍾靈炳河嶽兮日星祀事
兮三成肅駿奔兮廟庭舞同亞獻徹饌樂奏蹈和之章辭曰告徹兮禮成神其受
兮茲芬明德兮惟馨播聲威兮八紘送 神樂奏揚和之章辭曰雲駕兮高翔神
將歸兮九閭受福兮烝民導我武兮惟揚

右樂章樂舞

以上均見法令大全

寧安縣志

選舉

漢制舉孝廉策賢良方正兩晉南北朝出乎薦辟選舉隋唐以來乃有科制歷代沿其制而變通之其中選者大致以文藝爲衡凡入仕途必先經科舉爲登進階也至於武舉自唐武后始後代仿之視爲成例清末變法議停科舉置諮議局選議員又置資政院由議員互選出之迨民國成立更變其制設省議會設參衆兩院而實行民選矣然名仍選舉實際在代表民意爲地方謀福利爲國家策治安與往代選舉藉作個人進身之階者大有公私廣狹之別矣甯安自有清以還施行軍政人材由制科進者渺不多見鼎革而後歷屆選舉吾甯邑被選當選者皆爲一時之選亦此邦之盛事也

寧安縣志

選舉

前代選舉

進士金富察思忠隆安路海蘭烏珠明安人大定二十五年進士翰林學士

完顏阿里巴斯

原作阿里不孫

海蘭路明安人明昌五年進士泰知政事

完顏仲德海蘭路人泰和三年進士尙書右丞

按吉林自遼以前未入職方選舉之事無聞焉金時創業於此其取士之目有

七凡上京呼爾哈率賓海蘭皆置女直府學府試策論進士兼及女真經童凡

四處後增爲七處而會甯府咸平府居其二

見金史選舉志

則其得與科目者諒亦實繁

有徒惜時代悠遠紀載闕如靡可攷矣今撮其見於金史者著錄於此

見省志

清代武舉

錢蔚甯古塔人乾隆十五年庚午科武舉

柳溥甯古塔人乾隆十七年壬申恩科武舉

陳起鵬甯古塔人乾隆十七年壬申恩科武舉 見省志

清庠生

清 字煥章甯之瀾人年六十七歲

張春霖 字爾亨甯之瀾人年六十七歲

胡文亮 字子星甯之瀾人年六十四歲

關全毓 字補脛甯之瀾人年五十六歲

趙雲鱗 字志恆甯之瀾人年五十五歲

葉祥雲 字度山甯之瀾人年四十八歲

那德毓 字玉堂甯之瀾人年四十七歲

李鍾華 字毓峯甯安民籍年五十四歲

按清光緒間吉省始設學政以奉天府丞兼之其歲科兩試有滿號和號民籍

之別滿號者指滿洲八旗而言他如蒙古漢軍之八旗則和混也而所取庠生則和混合歲無定額若足五六名文童即可取進一名民籍相向無一定學額以吾甯往時民人占籍者少試生童無多如至省攷試須先報由甯古塔副都統衙門咨行吉林將軍衙門轉行吉林府編入民籍冊內攷驗合格方准與吉林府民籍各文童一體攷試按吉林府額係八名永爲定例右列李鐘華實爲吉林府民籍八名學額內之庠生也

民國選舉

第一屆北京衆議院議員初選當選及覆選被選舉人姓氏 裏數附

初選當選人

倪紹泉三百十票 楊 貴二百五十票

王瑞之二百五十票 馬喜貴一百八十五票

李存智一百八十二票 關恩貴一百九十票

范喜珍三百八十票

孫彥卿二百十票

黃慶春一百九十二票

關蘊祥二百十票

胡文亮二百零一票

覆選當選人

徐清和二十一票

候補當選人

趙玉田十票 密山縣人

第二屆吉林省議會議員初選當選及覆選被選舉人姓氏

票數

初選當選人

孫永志一百八十六票

曹鴻遠一百六十四票

吳青山一百八十一票

石景秀一百五十九票

穆紹林一百五十七票

王玉堂一百五十二票

張鳳鳴一百四十八票 張永貴一百四十八票

劉春頤一百三十八票 關福綿一百三十五票

鄧永安一百三十四票 王逢貴一百三十票

楊春林一百二十九票 孫彥忠一百二十九票

張殿甲一百一十六票

覆選當選人

關福綿二十一票

候補當選人 於民國十年三月曾經遞補省議員一年

徐景魁十三票

第二屆選舉衆議院議員初選當選覆選及被選舉人姓氏

附票數

初選當選人

王玉堂三百五十三票 張文軒二百六十五票

楊春霖二百五十九票 孫恩溥二百三十九票

王福貴二百三十四票 黃慶春二百零八票

孫裕魁二百票 孫慶榮二百票

孫富一百九十八票 徐景魁一百九十七票

石景秀一百九十三票 孫景芝一百九十二票

張鳳鳴一百八十五票 張景喜一百八十四票

何榮清一百八十三票 張殿甲一百七十六票

關福綿一百七十四票 呂鴻圖一百五十四票

陳耀才一百五十一票 張永貴一百五十票

傅和春一百三十四票 孫永齡一百三十二票

郭喜升一百二十八票 關英輔一百二十五票

鄧永安一百二十四票 孫永志一百一十七票

盧常榮九 十 票

覆選當選人

孫恩溥二十六票

候補當選人

吳殿颺 敦化縣

參議院議員初選當選人

關蘊祥二十七票

孫彥卿二十五票

第三屆吉林省議會議員初選當選覆選及被選舉人姓氏

附 萬數

初選當選人

傅和春二千一百二十八票 孫彥卿一千七百九十二票

倪紹泉一千七百六十票 范喜珍一千五百零二票

王子仁一千四百七十票 關文鐸一千四百四十三票

張殿甲一千三百八十七票 徐景魁一千三百五十三票

陶貴祿一千三百四十七票 呂鴻圖一千三百三十二票

趙雲麟一千三百零一票 何榮清一千三百票

韓瑞昇一千二百九十九票 孫麟紱一千二百八十一票

陳作新一千二百六十三票 關蘊祥一千二百一十四票

黃慶春一千一百九十七票 關貴田一千一百三十六票

覆選當選人

徐學庶十四票 密山縣人

表維山十三票 東甯縣人

候補當選人

孫彥卿十二票 黃慶春十一票

寧安縣志

自治

甯安古肅慎地也肅慎而後歷代部落盛衰代起明初甯古塔地雖置有奴兒干都指揮一管轄衛三百八十一所二十四要不過明永樂朝一時之驕糜仍各有酋長各自爲治明廷第頒給印信列之戎索其主權蓋屬之酋長仍以酋長爲主體非今日所謂自治以人民爲要素論今日何者屬官治何者屬民治政府尙未頒定民法固無一定標準然以事實之趨勢如外交如軍務如財政如警察關於省政府全局或國家全局利害當由官廳行之如衛生如道路如教育如慈善及一切公益事務關於地方或團體部分福利當由自治機關行之吉林爲三省自治省分之一甯安自爲一省中縣自治之一願甯安人士實行研究自治之真義必智識開通人才日廣而後有發展自治之能力遂共盡其地方自治之義務是乃深幸者也

清代自治成案

詳報自治研究分所成立并組織情形文

詳文略謂竊以國家立憲預備必以自治爲原素而自治預備又以研究爲入手機關研究有得而自治之方針乃定查_卑廳地處極邊風氣晚開語以立憲自治方且羣相駭異不知爲何名詞若繩以立憲自治之精神事實更無論矣似此_茫昧若任其痼蔽異日憲政成立何以使其享權利而負義務是以_卑職自蒞任以來念茲在茲攷選合格學生送省自治研究所肄業於上年夏間張際昌等四名由省畢業回廳_卑職當卽邀集本地士紳籌議仿省城自治研究所辦法設法組織自治研究分所以期養成綏芬自治一般人材當據本地旗籍附生張春霖等稟稱覓妥城裏文廟後小學堂舊院瓦房八間設立自治研究分所已經旗民兩署監督到場監視公衆投票選舉合格人員三十四名於光緒三十四年八月二十日開辦當經畢業生張際昌等四名暨士紳內之

明達自治科學事理者督同全所人員日夕討論講習務期明體達用足資實行惟現在經費尙未籌定所有在事人員暫時均係義務不支薪金俟籌有的款再行規定所內暫行章程仿省城研究所略爲變通俟部章頒到時仍須遵照定章以免彼此紛歧等情據此^{卑職}於開辦之日會同副都統慶^{並同城文武官紳到所依次登臺演說備極一時之盛}^{卑職}於公餘之暇不時親詣指陳討論一切以及該所應辦各事無不竭力提倡誘掖進步以冀收將來之效果除隨時督飭認真研究并分詳外理合將組織^卑廳自治研究分所情形造具各員銜名一覽表檢同合影具文詳送

憲台查核

自治研究分所一覽表

名稱	姓氏	年齡	官階
監督	慶祿	五十九	甯古塔副都統

監督 李達春 四十六 署 綏 芬 廳 同 知

正所長 張春霖 五十六 品 頂 戴 附 生

副所長 何榮鐸 四十九 五品藍翎筆帖式署滿教習察學官

研究員 關慶魁 三十七 五品 頂 戴 公 倉 筆 帖 式

張世昌 二十二 師範畢業生吉林自治研究所畢業生

徐清和 二十六 北洋高等巡警畢業學員

趙昌國 三十七 紳 士

吳全有 三十六 品藍翎監生府經歷銜

陳鶴年 五十三 五 品 頂 戴 醫 生

吳海明 四十八 六品頂戴前左司筆帖式

張際昌 三十二 師範畢業生吉林自治研究所畢業生

關金泉 三十 吉林自治研究所畢業委筆帖式

明 毓	白連芳	劉會儒	甯連仲	張效功	關全毓	關福綿	楊全林	劉煥鈞	關鐘山	那鐘秀	吳青山
二十二	二十六	二十四	三十五	四十六	三十九	五十一	三十四	三十三	三十七	四十五	三十
吉林陸軍將弁畢業員雲騎尉	紳	吉林自治研究所畢業生	五品頂戴右司筆帖式	紳	五品藍翎倉官現在吉林統計養成所肄業	防禦記名佐領	五品頂戴領催	紳	五品頂戴右司委筆帖式領催	五品頂戴印務處筆帖式	署必爾罕站左司委筆帖式藍翎監生

關蘊祥 四十二 藍翎 防 禦

王敏 四十七 紳 士

陶祺綿 三十八 五品藍翎驍騎校記名防禦

那德裕 三十二 五品藍翎 吉林倉官

關喜陞 四十 世職騎都尉記名佐領

李廣謙 五十 紳 士

高君重 六十六 同

盧學明 三十七 同

范喜珍 三十 同

鄧永安 三十八 右司筆帖式委章京

孟隆和 四十五 印務處委筆帖式

民國自治成案

楊前知事渡呈覆延吉道尹可否先行籌辦自治講習所情形文

呈文略謂竊奉 鈞署訓令內開案照本道自治講習分所學員現已畢業查所章第十條載有在分所學員畢業後送回各縣組織自治講習分所等語該學員既經畢業應即送回各縣即由各縣知事依照部定各縣地方自治講習分所章程從速辦理其東甯額穆兩縣未送學員應以延吉畢業學員秦殿甲徐連科王國駿武振之發往東甯王繼堯李延禎周玉崑發往額穆由延吉知事轉行知照除分行外合檢清單一紙令仰該知事即便遵照通盤籌畫妥議辦法具報核奪此令等因奉此遵查自治爲地方要政設所講習勢不容緩當經迭次召集商農教育各會及勸學所財務處各機關主任人員與地方士紳切實籌畫辦法均以設立地方自治講習所必須經費有着方能進行無碍本縣自治存款去歲辦理衆議院省議會選舉事宜分別提用所餘無幾雖仍繼續收入爲時未久尙未積有成數不如暫緩籌辦以免困難等情

知事詳加

查核尙屬實情可否先行籌備一俟緩至明年再爲設所俾利進行之慮出自
憲裁 知事 未敢擅便理合具文呈覆恭請 鈞署鑒核示遵實爲公禱謹呈

呈覆縣城市自治尙可施行其餘請從緩舉辦一案奉

延吉道尹批呈悉仰候彙轉此令 十二年二月

縣城市自治一案復奉

延吉道尹指令案照本署具呈核議施行市自治制請鑒一案茲奉

省長指令呈悉所議甚是仰候自治寔施時彙核辦理等因除分行外令抄呈

一件令仰該知事即便遵照此令 十二年九月

按自治經費一項向由營業稅款收入提出四分之一儲爲自治專款現除
每屆辦理省選舉暨國會選舉提用殆盡外別無他項用途亦無他項收入
現在縣議會規復問題本省各縣俱未籌辦自治基礎殊爲薄弱但亦期待
於後來焉耳